



喻林卷五十四

宣城華陽徐元太汝賢父編輯

猶子徐胥慶無猜父校

徐朋慶壽如父閱

人事門 五十二

昧禍

昭公之朝其羣臣皆小人也徒整飾其衣裳不知國之將迫脅君臣死亡無日如渠略然鄭氏箋詩蟋蟀

人皆知暴虎馮河立至之害而無知當畏慎小人能

危亡也鄭氏箋詩小旻

蜉蝣之小蟲朝生夕死不知已之性命死亡在近有此羽翼以自脩飾以興昭公之朝廷皆小人不知國將迫脅死亡無日猶整飾此衣裳以自脩潔毛詩正義禽獸被人所驅納於罟獲陷阱之中而不知違辟禮記正義似無知之人為嗜欲所驅入罪禍之中而不知辟禮記正義

中庸

田華之為陳軫說秦惠王曰臣恐王之如郭君夫晉獻公欲伐郭而憚舟之僑存荀息曰周書有言美女破舌乃遺之女樂以亂其政舟之僑諫而不聽遂去因而伐郭遂破之又欲伐虞而憚宮之奇存荀息曰

周書有言美男破老乃遺之美男教之惡宮之奇宮

之奇以諫而不聽遂亡因而伐虞遂取之戰國策秦惠文君

夫抱火厝之積薪之下而寢其上火未及燃因謂之

安方今之執何以異此前漢書賈誼傳

安危亡於旦夕肆嗜慾於目前奚異涉海之失柁積

薪而待燃後漢書文苑列傳

往車雖折而來軫方適後漢書左周黃列傳論

傳曰截趾適屨孰云其愚何與斯人追欲喪軀後漢書荀

淑子 爽傳

馳驚覆車之轍探湯敗事之後後出益可怪晚發愈

命木 人事 卷五十四 味禍

可懼耳後漢書范升傳

四海為羅網天下為敵人舉足遇害動搖觸患履深淵之薄冰不為唬涉千鈞之發機不知懼何如其知也

後漢書馮衍傳

國有露根之漸而莫之恤也吳志陸凱傳

天子居綴旒之運人臣微履餼之憂於是竊勢擁權

黷明王之彝典窮奢縱侈假凶豎之餘威繡桶雕楹

陵跨於宸極驪珍冶質充物於帷房亦猶犬彘腴肥

不知禍之將及晉書王湛列傳

獨不見羣蟲之處禪中逃乎深縫匿乎壞絮自以為

吉兆也行不敢離縫際動不敢出禪襦自以為得繩

墨也然炎丘火流焦邑滅都羣蟲處於禪中而不能

出也君子之處域內何異夫蟲之處禪中乎晉書阮藉傳

高蟬處乎輕陰不知螳螂襲其後也晉書王祥列傳

自謂勢擅狐鼠理隔熏掘宋書謝晦傳

苟欲徇意於前途不覺坑穽在其側北齊書文襄帝紀

商人用一布布不敢繼苟而讐焉必擇良者今士之

用身則不然意之所欲則為之厚者入刑罰薄者被

毀醜則士之用身不若商人之用一布之慎也墨子貴義

楚莊王欲伐越杜子諫曰王之伐越何也曰政亂兵

弱杜子曰臣愚患之智如目也能見百步之外而不能自見其睫王之兵自敗於秦晉喪地數百里此兵之弱也莊躄為盜於境內而吏不能禁此政之亂也王之弱亂非越之下也而欲伐越此智之如目也王乃止故知之難不在見人在自見故曰自見之謂明

韓非子
喻老

孔子曰鶯爵爭善處於一屋之下母子相哺也區區焉相樂也自以為安矣竈突決上棟焚燕爵顏色不變是何也不知禍之將及之也不亦愚乎為人臣而免於燕雀之智者寡矣夫為人臣者進其爵祿富貴父子兄弟相與比周於一國區區焉相樂也而以危其社稷其為竈突近矣而終不知也其與燕雀之智不異故曰天下大亂無有安國一國盡亂無有安家一家盡亂無有安身此之謂也故細之安必待大大之安必待小細大賤貴交相為贅然後皆得其所樂

呂氏春秋
秋諭大

避患東西反入禍門焦氏易林
鼎之巽

欲避凶門反與禍隣焦氏易林
艮之无妄

去安就危墜陷井池破我玉螭焦氏易林
旅之剝

蜘蛛作網以伺行旅青蠅嚙聚觸我羅域焦氏易林
未濟之蠱

鷗水鳥潮至則翔水嚮以為信反為鷺鳥所擊是知信而不知所以自害也

張華註禽經

鷓狀類鷺紺色錯出有文色水際伺蚌出啄食之反為蚌所持死水中不知所食以為害

張華註禽經

根露基頽危猶巢幕而自比於天日擬固於泰山

抱朴

外篇若道

夫鳶不絰網鱗不墮穿相彼鳥獸猶知為患風塵之徒曾是未吝也

抱朴子外篇嘉遼

夜鬪人船人必擠已於水也

莊子音義徐無鬼

顧非累卵於疊棋焉至觀形而懷怛

文選魏觀賦

坐積薪以待然方指日而比盛

文選西征賦

是由桓侯抱將死之疾而怒扁鵲之先見以覺痛之日為受病之始也

文選稽叔夜養生論

將軍魚游於沸鼎之中鷺巢於飛幕之上不亦惑乎

文選丘希範與陳伯之書

安臥積薪日待焚熾

藝文類聚人部說

輕羽不高翔自用絃網羅織鱗惑芳餌故為釣所加

藝文類聚鱗介部螺

不安其昧而樂其明是猶夕蛾去暗赴燈而死也

藝文

類聚蟲豸部蛾

人事

昧禍

五

櫻桃為樹則多陰為菓則先熟有蟬鳴焉聊命黏取
退惟彼蟬之得意於斯樹不知黏之將至亦猶人之
得意於富貴而不虞禍之將來也事文類聚蟬傳成賦

文王問曰人有大忘乎對曰大忘知其身之惡而不
改也以賊其身乃喪其軀有行如此之謂大忘太平御覽

人事部
迷忘

譬如猿猴跳躑恃便忽罹機辟自喪身本無上內秘藏經妙德

譬如陸鳥愛其尾終為射夫之所得靈寶自然妙經

如鵠鳥愛其尾尾為射獵者所得四願經

此羣牛本有千頭在外瞻守掌不牢固為虎惡獸所

見噉食歿者過半餘不覺知方相抵觸跳跟喚吼傷

其無智何乃甚哉出曜經一

猶如毒藥顏色成就香美且甘若人遇病而服此藥

咽喉通利入腹未久即喪命根出曜經三欲品

猶如有人行過山險兩邊險峻閉眼而過不知身危

或致命終出曜經八行品

以欲網自蔽以愛蓋自覆自恣縛於獄如魚入筍口

法句經
愛欲品

世皆沒淵渺克度岸法句經明哲品

命木人事卷五十四 昧禍

譬如倉蠅在蜜器中有人拔出心猶樂著以樂著故
乃至喪命本緣經月
光王品

昔有一人在路而行道中得一金鼠狠心生喜踊持
置懷中涉道而進至水欲渡脫衣至地尋時金鼠變
為毒蛇此人深思寧為毒蛇螫殺要當懷去心至冥
感還化為金傍邊愚人見其毒蛇變成真實謂為恒
爾復取毒蛇內著懷裏即為毒蛇之所蜚螫喪身殞

命百喻經
卷下

昔有屠兒有千頭牛養令肥好日殺一牛賣肉已殺

五百牛餘有五百頭方共跳騰誼戲共相紙觸天尊

時八國見牛如此愍而捨去語諸弟子此牛愚癡伴

侶欲盡方共感誼人亦如是阿育王王譬
喻經基一

如犂牛愛尾不惜身壽命大智度
論卷四

譬如愚人見師子王饑時睡眠而欲寤之如人以指

置毒虵口如欲以手觸灰覆火法苑珠林
卷五十五

禍原

洪範五行傳云視之不明時則有羽蟲之孽聽之不
聰時則有介蟲之孽言之不從時則有毛蟲之孽貌
之不恭時則有鱗蟲之孽思之不睿時則有倮蟲之

孽尚書正義
高宗彤日

白華周人刺幽后也幽王取申女以為后又得褒姒而黜申后

毛詩白華

燎火方奮揚之時炎熾燦怒寧有能滅息之者以喻宗周方隆盛之時王業深固寧有能滅亡之者言此二者皆盛不可滅亡也然此燎雖熾盛而水能滅之則水為甚矣以興周國雖盛終將衰姒滅之則褒姒惡甚矣

毛詩正義正月

華元殺羊食士其御羊斟不與及戰曰疇昔之羊子為政今日之事我為政與入鄭師故敗

左傳宣公二年

天有六氣降生五味發為五色徵為五聲淫生六疾

六氣曰陰陽風雨晦明也分為四時序為五節過則

為菑陰淫寒疾陽淫熱疾風淫末疾雨淫腹疾晦淫

惑疾明淫心疾

左傳昭公元年

詩云燎之方陽寧或滅之赫赫宗周褒姒滅之

前漢書谷

永傳

何寤青蠅飛於干菴無極游於二壘使股肱分為二

體背胸絕為異身

魏志袁紹傳註

荆山鵲飛而玉碎隋岸蛇生而珠歿

周書庾信傳

墻壞於其隙木毀於其節斯蓋其分也

鬼谷子謀篇

辯慧亂之贊也禮樂淫泆之徵也慈仁過之母也任

譽奸之鼠也亂有贊則行淫泆有徵則用過有母則生姦有鼠則不止商子說民

肉腐出蟲魚枯生蠹怠慢忘身禍災乃作荀子勸學

輕慮重事厚誅薄罪久怨細過長侮愉快數以德追

禍是斷手而續以玉也故世有易身之患韓非子用人

有人自南方來鮒入而鯢居使人之朝為草而國為

墟呂氏春秋貴直

福生於無為患生於多慾害生於弗備穢生於弗耨

淮南子繆稱訓

昔者齊簡公釋其國家之柄而專任其大臣將相攝

威擅勢私門成黨而公道不行故使陳成田常鴟夷

子皮得成其難使呂氏絕祀而陳氏有國者此柔懦

所生也鄭子陽剛毅而好罰其於罰也執而無赦舍

人有折弓者畏罪而恐誅則因獬狗之驚以殺子陽

此剛猛之所致也淮南子汜論訓

使葉落者風搖之使水濁者魚撓之淮南子說林訓

魯季氏與郈氏鬪雞郈氏介其雞而季氏為之金距

季氏之雞不勝季平子怒侵郈氏之宮而築之故禍

之所從生者始於雞距淮南子人間訓

政有招寇行有招耻弗為而自至天下未有說苑談叢

郤大墻壞蠹衆木折

焦氏易林乾之大壯

怨重被燒忿怒生禍

焦氏易林恒之巽

陰作大奸欲君勿言鴻鵠利口發其禍亂

焦氏易林巽之中孚

上九竈滅其火唯家之禍測曰竈滅其火國之賊也

太玄經第四竈

不仁之質勝則伎力爲害器貪悖之性勝則強猛爲

禍梯

劉邵人物志八觀

車以喻君馬以喻臣言車覆者國君危也馬顛仆者

所任非人

王逸註楚辭九章

獨知猛雨之霑衣而不知雲氣之所作唯患飛埃之

糝目不覺颺風之所爲也

抱朴子外篇酒誡

平叔以黨曹爽見誅觸歿權之網也輔嗣以多笑人

被疾陷好勝之阱也

顏氏家訓務學

婦人爲政猶雌雞而代雄鳴是喪家之道也

前漢書註五行

不制之臣相與比周比周者宮隣金虎言小人在位

比周相進與君爲隣貪求之德堅若金譏諂之言惡

若虎也

李善註文選東京賦

蠹衆則木折隙大則墻壞不勝而生不敗而亡自古

及今未嘗有也

意林商君書

季孫行父禿晉郟克眇衛孫良夫跛同時而聘于齊
齊使禿者迂禿者眇者跛者迂眇者跛者迂跛者蕭同叔
子處臺上而笑之聞於客客不說而去相與立胥聞
而語移日不解齊人有知之者曰齊之患自此始也

藝文類聚治
政部奉使

百病之始生也必先於皮毛邪中之則腠理開開則
入客於絡脉留而不去傳入於經留而不去傳入於
府廩於腸胃邪之始入於皮也泝然起毫毛開腠理
其入於絡也則絡脉盛色變其入客於經也則感虛
乃陷下其留於筋骨之間寒多則筋攣骨痛熱多則

筋弛骨消肉爍腠破毛直而敗

黃帝素問內
經皮部論

夫邪之客於形也必先舍於皮毛留而不去入舍於
孫脉留而不去入舍於絡脉留而不去入舍於經脉
內連五藏散於腸胃陰陽俱感五藏乃傷此邪之從
皮毛而入極於五藏之次也如此則治其經焉今邪
客入於皮毛入舍於孫絡留而不去閉塞不通不得
入於經流溢於大絡而生奇病也

黃帝素問內
經調經論

木之所傷也皆傷其枝枝之剛脆而堅未成傷也人
之有常病也亦因其骨節皮膚腠理之不堅固者邪
之所舍也故常為病也

黃帝素問靈
樞經五變

言九級之臺起於一簣之土喻九夜之禍起乎一念

染心道德經註 疏卷六

冬極温而春有狂疫夏極凉而秋有瘧痢攝生養性論

罪莫大於淫禍莫大於貪咎莫大於讒此三者禍之

車小則危身大則危家養性延命錄教誠篇

重衣厚褥體不勞苦以致風寒之疾厚味脯腊醉飽

厭飫以致聚結之病美色妖嬈嬪妾盈房以致虛損

之禍淫聲哀音怡心悅耳以致荒耽之惑馳騁遊觀

弋獵原野以致發狂之失謀得戰勝兼弱取亂以致

驕逸之敗養性延命錄教誠篇

云何良醫善知病源謂良醫善知此病因風起痰癥

起涎唾起衆冷起因現事起時節起是名良醫善知

病源雜阿含經 卷十五

麤言利刀劔貪欲殄毒藥瞋恚熾盛火無明極重暗

天請問經當三

是老病歿常害衆生猶如果樹多人所擲本緣經持王子品

譬如惡雹傷害五穀亦如猛火焚燒乾草又如暴風

吹拔大樹又如師子殺害諸禽獸本緣經毘羅摩品

吾人知此五盛陰身為衆箭的本緣經毘羅摩品

芭蕉以實歿竹蘆實亦然駟驢坐姪歿士以貪自喪

法句經
利養品

愛欲意為田姪怒癡為種

法句經
愛欲品

以姪樂自裏譬如蠶作繭

法句經
愛欲品

如木出火還自燒身若如芭蕉生實便枯如騾懷軀

還自危身

脩行道地
經慈品

猶鹿母初乳兒小逐母東西戀其子不能遠逝時師

子獸王審知鹿母不能離子時往搏撮鹿母子俱喪

所以然者以鹿母戀其子故師子得便

出曜經四
無放逸品

此六根者危如鷲巢亦如水泡又如初生癰不久當

潰

無明羅
利經

是無明者於生死曠路而作導首能燃生老病死之

大火聚是諸煩惱結業之母閉涅槃門開眾惡趣能

作大形彌綸三界遍一切處放逸大頭疑結廣額幻

惑醜面邪念疱鼻邪見之日膜眼童子四倒掣電伺

怨報惡多毛耽耳欺誑詐偽深廣邃眉瞋恚忿戾以

為利牙貪欲醜惡作上麤辱嫉妬頑弊返唇下垂邪

命諂曲虛假矯稱貪嗜利養以為利齒六十二見以

為其髮三受饕餮以為長咽八邪疣贅以為肩臂諸

惡律儀以為長爪忍受結業以為兩乳不知狀足脰

脹洪大以為其腹睡悔深黑以為其臍多欲貪愛以

為陰尻十八諸界以為兩陛非法惡欲以為兩膝我
見人見以為脚足無慚大象垢穢濕皮以為衣服無
愧青惡污膩麤褐以為其被坐結使牀眾結羅剎以
為侍從處彼煩惱諸惡羅剎大眾之中無明羅剎經
著欲之人亦如獄囚如鹿在圍如鳥入網如魚吞鈎
如豹搏狗如鳥在鴟羣如蛇值野猪如鼠在貓中如
羣盲臨坑如蠅著熟油如僇人在陣如斃人遭火如
入沸鹹河如舐蜜塗刀如四衢鬻肉如薄覆刀杖如
華覆不淨如蜜塗毒甕如毒蛇篋大智度論卷十七

養禍

紂與亡人為主亡人歸之若蟲之窟聚魚歸淵府獸
集藪澤言紂為大姦也尚書正義武成
始者信以彼管蔡之屬雖有流言之罪如鷦鳥之小
不登誅之後反叛而作亂猶鷦鳥之翻飛為大鳥也鄭氏

箋詩小苾

圃者所以殖菜蔬也杞非可食之物我有圃生之杞
以喻南蒯在費欲為亂也春秋正義昭公十二年

夫養稂莠者傷禾稼惠姦軌者賊良民後漢書王符列傳

猶種枳棘於良田養虺蛇於室內也後漢書王符列傳

羌雖外患實深內疾若攻之不根是養疾疴於心腹

也後漢書西羌傳

養癰長疽自生禍殃後漢書馮衍傳

競令虎豹窟於麀場豺狼乳於春囿後漢書劉陶傳

是川瀆並決而莫敢之塞游積蹂稼而莫之楚也後漢書

書朱暉列傳註

驕縱吳楚養虺成蛇吳志孫權傳註

所謂獨坐窮山放虎自衛者也華陽國志

是使長蛇弗翦封豕假息晉書慕容德記

一令蔓草難鉏洎流泛酌豈直疥癢輕痼容為心腹

重患南齊書王融傳

養傳翼之飛獸子貪心之野狼北齊書文苑類傳

何異於善砥鏑卸而子射子自禍必矣賈子新書藩傷

養虎牧狼還自賊傷焦氏易林訟之明夷

次八常疾不疾咎成不詰測曰常疾不疾不能自治

也太玄經第四常

夫性惡之民民之豺狼雖得放宥之澤終無改悔之

心潛夫論述赦

累之重乃易毀也舉之高乃易踣也以喻潛王驕亂

之甚乃易破也呂氏春秋行論解

起衆患於須臾結百痾於膏肓奔駟不能追既往之

悔思改而無自反之蹊抱朴子外篇酒誡

積薪若山縱火其下火未及燃一杯之水尚可滅也

及至火猛風起雖傾河海不能救也秦昭王是積薪

而縱火其下始皇燃而方熾二世起風而怒也意林物理

論

若諸愚癡人無有善方便將火置於掌便為火所燒

大寶積經三十一

惡生於心還自壞形如鐵生垢反食其身法句經塵垢品

昔有一國五穀熟成人民安寧無有疾病晝夜伎樂

人無憂惱王問羣臣我聞天下有禍何類答曰臣亦

不見王便使一臣至於隣國求覓買之天神則化作

一人於市中賣之狀類如豬持鐵鎖繫縛賣之臣問

此名何等答曰禍母臣曰賣不答曰賣問索幾錢答

曰十萬問曰此食何等答曰食針一升臣便家家發

求覓針如是人民兩兩三三相逢求針使諸郡縣處

處擾亂百姓所在之處患毒無僚臣白王曰雖得禍

母致使民亂男女失業欲煞棄之未審許不王言大

善便於城外將殺刺硬不入斫則不傷割而不死積

薪燒之身赤如火便走出去過里燒里過市燒市入

城燒城入國燒國擾亂人民饑餓困苦坐由馱樂買

禍所致苦也此喻女色欲火所燒男女貪毒至死不
知苦也法苑珠林卷四十六

寡效

譬如醫之藥人之有病者然今有醫於此和合其藥
於天下之有病者而藥之萬人食此若醫四五人得
利焉猶謂之非行藥也故孝子不以食其親忠臣不

以食其君墨子非攻中

嗾嘯嚙嚙昧冥相持多言少實語無成事焦氏易林謙之革

掘井得石勞而无功焦氏易林明夷之革

譬如假穀於夷齊之門告寒於黔婁之家所得者不

過掾栗縕褐必無大牢之饕錦衣狐裘矣抱朴子內篇祛惑

為者如牛毛獲者如麟角也抱朴子內篇極言

夫衣無蔽膚之具資無謀夕之儲而高談陶朱之術

自同猗頓之策取譏論者其理必也抱痼疾而言精

和鵠之伎屢奔北而稱究孫吳之筭人不信者以無

效也抱朴子內篇微旨

徒聞振翅竦身不能凌厲九霄騰跚玄極攸敘彝倫

者非英偉也抱朴子外篇嘉遯

居有事之世而耻為權謀譬猶鑿地抱甕難以求富

嗟乎子羽何異牢檻之熊深穿之虎石間餓蟹竈中

之鼠事力雖多而見功甚少廣文選張敏頭責子羽文

雖榮華熠熠無結秀之効終年之勤無一日之功藝文

類聚人部 鑒誠誠

徒誓蠡管之誠終沈熒爚之用藝文類聚職官部太守表

遂日奉羈勤有事風塵徒備鳥背之毛曾無馬筆之

力藝文類聚職官部司徒表

効闕淚河功慙汗海藝文類聚職官部尚書令表

生亂

白華於野已漚名之為菅菅柔忍中用矣而更取白

茅收束之茅比於白華為脆喻王取於申申后禮儀

備任妃后之事而更納褒姒褒姒為孽將至滅國鄭氏

箋詩 白華

白雲下露養彼可以為菅之茅使與白華之菅相亂

易猶天下妖氣生褒姒使申后見黜鄭氏箋 詩白華

青黃黻黼文章之觀盡而五色滄宮徵還激生生之

聲足而入音汨陸有纒置水有網罟而飛羽伏鱗無

以幸其生矣子華子陽 城胥渠問

夫水積則生相食之魚土積則歿自穴之獸禮義飾

則生偽匿之本夫吹灰而欲無昧涉水而欲無濡不

可得也淮南子 齊俗訓

神農之初作琴也以歸神及其淫也反其天心夔之
初作樂也皆合六律而調五音以通八風及其衰也
以沈湎淫康不顧政治至於滅亡蒼頡之初作書以
辯治百官領理萬事愚者得以不忘智者得以志遠
至其衰也為奸刻偽書以解有罪以殺不辜湯之初
作囿也以奉宗廟鮮犄之具簡士卒習射御以戒不
虞及至其衰也馳騁獵射以奪民時罷民之力堯之
舉禹契后稷臯陶政教平姦宄息獄訟止而衣食足
賢者勸善而不肖者懷其德及至其末朋黨比周各
推其與廢公趨私外內相推舉姦人在朝而賢者隱

處淮南子
泰族訓

使民居處相司有罪相覺於以舉姦非不掇也然而
傷和睦之心而構仇讐之怨故事有鑿一孔而生百
隙樹一物而生萬業者所鑿不足以為便而所開足
以為敗所樹不足以為利而所生足以為穢淮南子
泰族訓
太上空市其次不偷竊其次不掠奪上以功惠緩民
下以財力奉上是以上下相與空市則民不與民不
與則為巧詐而取之謂之偷竊則民備之備之而不
得則暴迫而取之謂之掠奪民必交爭則禍亂矣申
鑒
政體

言車載衆輕之物以折其軸而不可乘其過咎由重
索雜載衆多之故也以言國君聽用羣小之言則壞
敗法度而自傾危也王逸註楚辭七諫
蜜網裁而魚駭宏羅制而鳥驚陶詩節集賦

以論其世不以其論其世或以論其世或以論其世
論其世或以論其世或以論其世或以論其世
或以論其世或以論其世或以論其世或以論其世
或以論其世或以論其世或以論其世或以論其世

喻林卷五十五

宣城華陽徐元太汝賢父編輯

猶子徐胥慶無猜父校

徐衍慶伯蕃父閱

人事門 五十三

敗成

九四田無禽 易恒

上六不明晦初登于天後入于地象曰初登于天照

四國也後入于地失則也 易明夷

上六女承筐无實士刲羊无血无攸利 易歸妹

未濟亨小狐汔濟濡其尾无攸利易未濟

初九曳其輪濡其尾无咎易既濟

池之竭矣不云自頻泉之竭矣不云自中叶諸仍反詩大雅

召旻

流離鳥也少好長醜始而愉樂終以微弱毛詩旄丘註

衛之諸臣初有小善終無成功似流離也鄭氏箋詩旄丘

瑣兮而少尾兮而好者乃流離之子也此流離之子

少而美好長即醜惡以興衛之諸臣始而愉樂終以

微弱言無德自將不能常為樂也毛詩正義旄丘

士刳羊亦無益也女承筐亦無貺也左傳僖公十五年

夫其敗也如日月之食焉何損于明左傳宣公十二年

狐狸之而狐搢之是以無成功國語吳

外傳 亾國之臣不敢語政敗軍之將不敢語勇吳越春秋勾踐入臣

百年累之一朝毀之豈不惜乎後漢書竇融列傳

敗材傷錦所宜至慮後漢書劉玄列傳

初升高岡終隕幽壑朝含榮潤夕為枯魄蜀志郤止傳

用使金暉絕于中天神轡輟于促路晉書赫連勃勃記

稚蘆作蘧蔭不成文章晉書苻堅下記

所得未毛銖所喪如山崖晉書苻嘉傳

構厦止於尺土為山頓於一簣魏書源賀子恭傳

築十仞之城城者既十仞矣則又壞之此胥靡之所

苦也莊子則陽

烹牛以饗其里而罵其東家母德不報而身見殆淮南

子說山訓

臨菑之女織紉而思行者為之悖戾室有美容繒為

之纂繹淮南子說林訓

鷄飛中退舉事不進焦氏易林乾之兌

弊笥在梁魴逸不禁漁父勞苦連室乾口焦氏易林坤之履

多載重負捐棄于野焦氏易林屯之恒

樹栽藿豆為鹿兔食君不慎護秋無收入焦氏易林屯之歸妹

黍稷禾稼垂秀方造中旱不雨傷風枯槁焦氏易林需之艮

機杼騰擾女巧不成焦氏易林訟之渙

魁為蓄虐風吹雲却焦氏易林中孚畜之中孚

鷹逐雉兔爪折不得焦氏易林履之大有

老妾踞機緯絕不知女功不成冬寒無衣焦氏易林中孚否之中孚

大車難駕兩引如繩馬奔山後輪脫不行焦氏易林中孚同人之賁

羊子逐兔犬蹄不得焦氏易林中孚謙之既濟

螟蟲為賊害我稼穡盡禾殫麥秋無所得焦氏易林中孚豫之謙

衣成無關不知所穿焦氏易林中孚豫之離

搏鳩彈雀獵兔山北丸盡日暮失獲無得焦氏易林
割羊不當血少無羹女執空筐不得採桑焦氏易林
隨之秦

舍車而徒亾其駁牛焦氏易林
賁之恒

蹇驢不才駿驥失時筋力勞盡罷於沙丘焦氏易林
剝之師

黍稷禾稻垂畝方好中旱不雨傷風病槁焦氏易林
剝之蠱

畸牛傷暑不能成畝草萊不墾年歲無有焦氏易林
復之无

織縷未就針折不復女工多態亂我政事焦氏易林
无妄之賁

釣鯉失綸魚不可得焦氏易林
大畜之豐

毀盤破盆棄其飯食焦氏易林
頤之訟

棟橈榱壞廊屋大敗宮闕空廊如冬枯樹焦氏易林
頤之无

設網張羅捕魚園池網罟自決雖得復失焦氏易林
坎之益

早霜晚雪傷害禾麥損功棄力饑無所食焦氏易林
離之蠱

登高傷軸上阪棄粟焦氏易林
咸之蠱

播輪折輻馬不得行焦氏易林
恒之豐

畜牝無駒養雞不雛焦氏易林
遯之小畜

織組无文燒香不芬焦氏易林
壯之小畜

桑蠶不得女功無成焦氏易林
家人之兌

兔聚東郭衆犬俱獵圍缺不成無所能獲焦氏易林
蹇之坤

上政搖擾蟲螟並起害我嘉穀季歲無稷焦氏易林
解之既濟

往來井上破甕壞盆焦氏易林
益之萃

置筐失筮輪破無輔

焦氏易林萃之蒙

緣山升木中墮於谷

焦氏易林困之大壯

羅張目列圍合月缺採捕無功魚鳥得脫

焦氏易林鼎之同人

下田陸黍萬華生齒大雨霖集波病潰腐

焦氏易林兌之履

夏麥麴麴霜擊其芒

焦氏易林歸妹之鼎

牀傾竇折屋漏垣缺

焦氏易林旅之同人

次八車不拔髀

并強切

軸折測曰車不拔躬自賊也

太玄

經第一

上九倉靈之雌不同宿而離失則歲之功乖測曰倉

靈之雌失作敗也

太玄經第一

上九務成自敗雨成自隊測曰務成自敗非厥命也

太玄經第二

上九紅蠶緣于枯桑其繭不黃測曰緣于枯桑蠶功

敗也

太玄經第六

患乎升勺之利未堅而鍾石之費相尋根移之據未

極而冰霜之毒交攻

抱朴子內篇極言

宋氏引苗郢人張革誠欲其快而實速菱裂知進忘

退斯之以乎

抱朴子外篇知止

東海人黃公少時能幻制蛇御虎韋佩赤金刀及衰

老飲酒過度有白虎見於東海以赤刀往厭之術不

行遂為虎所食

李善註文選西京賦

將覆簣於浚谷擠為山乎九天

文選陸機中魏武帝文

中駕每傾輪當騫復

集作輒

摧翼

文苑英華吳均行邁一詩

譬如池有蓮華光色鮮榮芬芳可愛忽值天電一時

零落

元陽妙經卷一

譬如盲人捉雀入手復去

靈寶通微經

譬如有人先未曾有末尼珠寶後時遇得深自欣慶

珍玩無厭歛爾亡遺常懷慨歎

波羅蜜多經卷三百三十五

譬如闇室燈油盡故明滅

大寶積經卷七十一

譬如摩尼寶珠墮不淨中不可復著

大寶積經卷一百一十二

譬如士夫入慈室藏以明月珠置于髻中醉酒臥寐

不自唯省寤忘明珠不知所在

法華經卷五

譬如有人入於大海至寶渚中多取寶物置于船上

欲度大海於中沉沒

蓮華面經卷上悲六

譬如有人從高樓下乘於大象下象乘馬下馬乘輿

下輿坐床下床墮地從地落坑

雜阿含經卷四十二

譬如稻田禾稼粗熟而有惡露災氣則令善穀傷敗

中本起經比丘品

譬如世間所有臺觀若一中心不善覆蔽則椽梁壁

皆被淋漏以椽梁壁被淋漏故皆悉敗壞

本事經卷五

又如苦瓠青未成熟人所斷取而彼枝葉尋即萎悴

漸次枯弱後乃乾合身毛喜 豎經下

譬如象洗其身沐浴適淨復卧土脩行道地 經慈品

如暴秋中暑無所能成熟脩行道地 經慈品

譬如師治箭矢墮火燒之安能使其箭成就而可用

脩行道地 經慈品

譬如利刀人所愛敬恒自防備不離其身中便忘誤

安置不牢便生塵垢本鐵不存追惟此刀乃無有價

一朝壞敗不可任用出曜經 八行品

猶如淨鐵及明淨鏡瑩治淨潔無有塵垢然其人藏

隱不牢或在土中或在溼地便生重垢觸便碎散不

任本用出曜經 八行品

昔有一人有二百五十頭牛常驅逐水草隨時餒食

時有一虎噉食一牛爾時牛主即作念言已失一牛

俱不全足用是牛為即便驅至深坑高岍排著坑底

盡皆殺之凡夫愚人亦復如是受持如來具足之戒

若犯一戒不生慚愧清淨懺悔便作念言我以破一

戒歸不具足何用持為一切都破無一在者百喻經 卷上

昔有一小兒陸地遊戲得一大龜意欲殺之不知方

便而問人言云何得殺有人語言汝但擲置水中即

時可殺爾時小兒信其語故即擲水中龜得水已即
便走去百喻經 卷下

譬如清凉池而有毒蛇不中澡浴亦如好花果樹而
多逆刺大智度論 卷十三

初若登天光被俗表末如入淵明夷輝淪弘明集 難夷夏論

無及

處罰之極惡積不改者也罪非所懲故刑及其首至

于滅耳及首非誠滅耳非懲凶莫甚焉王弼注 易噬嗑

棄女車輔則墮女之載乃請長者見助以言國危而

求賢者已晚矣鄭氏箋 詩正月

若不早圖後君噬臍其及圖之乎左傳莊公六年

禍敗日深如火之燎原其可救乎晉書王接傳

然鞭短勢殊恐無所及晉書姚泓記

覆水不收悔將何及晉書慕容超紀

魚以泉涸而煦末鳥因將死而悲鳴梁書任昉傳

固機發而後思圖車覆而後改躅改之無及故狡兔

失穴思之在後故逆鱗易觸魏書常景傳

恐拯弱遲于援手救經緩於扶足待越人之舟楫求

魯匠之雲梯則必懸于槁樹之枝沒於深淵之底矣

隋書王孝籍儒林傳

略本 人事 卷五十五 無及

詩曰涓涓源水不離不塞轂已破碎乃大其輻事以敗矣乃重太息其云益乎荀子子道篇

寡人所謂饑而求黍稷渴而穿井者未嘗能以歡喜

見子今國事急百姓恐懼願藉子大夫使齊說苑善說

譬之猶渴而穿井臨難而後鑄兵雖疾從而不及也

說苑雜言

言君信任佞諛不慮艱難卒遭憂患然後乃覺若放

火於秋蒿不可救制也王逸注楚辭七諫

明侯此時不以誕告諸侯靖寧國步以為功首至於

肝腦塗函谷麋鹿棲銅駝乘輿蒙沙而中原流於左

衽然後圖之是猶火既及薪而後覓井以救不亦鈍

乎天祿閣外史尊王

夫隨覆車之軌追陷溺之後以赴其前何及之有武侯

十六策思慮

孝子之養親病也未死之時求卜迎醫冀禍消藥有

益也既死之後雖審如巫咸良如扁鵲終不復生何

則知死氣絕終無補益王充論衡薄葬篇

恃藏疾之大言忘膏肓之近急何異焦喉之渴切身

而遙指滄海於萬里之外滔天之水已及而方造舟

於長洲之林安得免夸父之禍脫淪水之害哉抱朴子外

篇用

犀象珠玉無足而至自萬里之外定傾之器能行而
淪乎四境之內二豎之疾既據而募良醫棟橈之禍
已集而思謀夫何異乎火起乃穿井覺饑而占田哉

抱朴子外
篇貴賢

不與智者共其安而望有危而見救不與奇士同其

歡而欲有戚之見恤猶災火張天方請而於名山洪

水凌空而伐舟於東閩不亦晚乎

抱朴子外
篇廣譬

宿不樹惠臨難而施恩本不防萌害成而修慎是以

臨渴而穿井方饑而植禾雖疾無所及也

劉子
言苑

此甘餐毒藥戲猛獸之爪牙也所從來者至深遠淹

滯永久而不廢雖令扁鵲治內巫咸治外尚何及哉

文選枚
乘七發

害成於微而救之於著故有無功之治

文選嵇叔
夜養生論

臨死修善於計已晚事迫乃歸於救已微

意林周
生烈子

離憂患而乃寤今若縱火於秋蓬

楚辭東方
朔初放

惠子家窮餓數日不舉火乃見梁王王曰夏麥方熟

請以割子可乎惠子曰施方來遇羣川之水長有一

人溺流而下呼施救之施應曰吾不善游方將為子

告急於東越之王簡其善游者以救子可乎溺人曰

我得一瓢之力則活矣子方告急於東越之王簡其善游者以救我是不如求我於重淵之下魚龍之腹

矣太平御覽 人事部餓

夫病之始生也極微極精必先入結於皮膚今良工

皆稱曰病成名曰逆則鍼石不能治良藥不能及也

黃帝素問內經 湯液醪醴論

昔有貧人在路而行道中偶得一囊金錢心大喜踊

即便數之數未能周金主忽至盡還奪錢其人當時

悔不疾去懊恨之情甚為極苦百喻經 卷下

譬如鹿未被箭時不知怖畏既被箭已踔圍而出大智

如實論 卷九

譬如屋被燒竟更求水救之如實論 華二

莫振

枯槁之楊被拯纔得生華何可長久尋當衰落也周易

正義 大過

天之用楚如人用五材力盡而救救則棄之是以無

救助之者春秋正義昭 公十有一年

三柝之起本根既朽枯楊生華曷惟其舊前漢書 敘傳下

若膏肓之疾長桑不治體府之病陽慶弗理宋書顧 凱之傳

根未及植葉已先枯南齊書東 昏侯本紀

朽根倒樹花葉落去卒逢火焱隨風偃仆焦氏易林屯之坎
騎牛失角下山傷軸焦氏易林屯之損

晉平有疾迎醫秦國病乃大怒分爲兩豎逃匿肯上
伏于膏下和不能愈焦氏易林需之巽

削根燒株不生肌膚病在心腹日以焦枯焦氏易林師之益
耆老衰去箴石不祐焦氏易林履

花燈百枝消暗衰微精光訖盡奄有灰靡焦氏易林隨之大有
聾聵闇盲跛倚不行焦氏易林咸之夬

老河空虛舊井無魚焦氏易林遯之井
亂憂並作姦邪充塞雖有百堯顛不可救焦氏易林家人之履

上九僣僣天撲顛測曰僣僣之樸終不可治也太玄

經第 二僣

時當亂也堯舜用術不能立功命當死矣扁鵲行方
不能愈病王充論衡定賢篇

譬猶入水之燼火滅而煙不即息既斷之木柯葉猶
生二者非不有煙非不有葉而其所以爲煙爲葉者

已先亾矣抱朴子內篇極言

人有復病難可醫治須臾則死海空智藏經持誠品

譬如猛火燒焚枯木亦如芭蕉逢於霜電海空智藏經持誠品

譬如敗種種已先滅滅即無牙大乘妙林經

譬如朽敗不可令堅猶如巨石墜千丈坑難可逆上

玉清經明威
真人威邪品

患源斯作疾用醫方倍功療治猶不能愈

玉清經明
威真人威

邪品

猶如瓦礫一破之後不可更合

玉清經通
濟幽冥品

譬如春雨是物皆潤獨有枯木而不受洽縱不潤者

益其朽爛終不能生枝葉花果

玉清經通
濟幽冥品

譬如有人年百二十老耄衰朽又加眾病所謂風病

熱病痰病或三雜病是老病人頗從牀座能自起不

設有扶令起立亦無力行一俱盧舍二俱盧舍三俱

盧舍所以者何老病甚故

波羅蜜多經卷九
一百一十一

如斷多羅樹畢竟不復生何有智慧人於中求果實

大寶積經
卷二十九

譬如酥油為火所燒無有遺餘

大寶積經
卷七十二

如樹枯朽火從內起根本既燒枝葉亦盡

大乘大方
等日藏經

卷一

譬如鳥翮入火則卷不可舒展

維何舍經
卷十八

譬如火滅以灰覆之若持枯草及乾牛屎積著其上

手觸足踏無所能燒而不成熟所以者何無所堪任

修行道地經
分別行相品

沉溺於世根猶朽車沒泥不能自拔濟修行道地經集散品

如雪聚得火疾而為解釋內身觀章句經令十

譬如雪山日光所照悉皆融消無有遺餘阿育王經偈七

如敗軍將怖懼失瞻視彼敵人皆謂勇士三昧法門經卷下

譬如有人自斷其頭時有一人持以良藥所謂摩叱

迦良藥虞尼那縛良藥竭哩多嚕良藥帶梨那縛良

藥如是等良藥塗所斷頭其何能活正法經卷一

譬如疔瘡無不痛時若以藥塗可得少差而不可得

愈大智度論卷六

譬如必死之病雖有良醫神藥不能救濟大智度論卷五十八

猶如病者大醫不治其餘少醫無能治者大莊嚴經論卷十

世間縛著沒於眾苦譬如老象溺泥不能自出遺教經論

離一

與將隕之疾饋藥不服流矢通中忍痛不拔要求矢

藥造構之始以致命絕夫何異哉弘明集明佛論

譬如有人墮在糞坑全身沒入無髮可拔法苑珠林卷九十

禍及

九三需于泥致寇至象曰需于泥災在外也易需

初二剥牀民所以安未剥其身也至四剥道濡長牀

既剥盡以及人身王彌注易剝

辨謂牀身之下牀足之上足與牀身分辨之處也今
剝落侵上乃至於辨是漸近人身故云剝牀以辨也

周易正義剝

諸侯以國相連屬憂患相及如葛之蔓延相連及也

毛詩注

魚在於沼池之中為人所驚駭不得逸遊亦非能有
樂退而潛處雖伏於深淵之下亦甚於炤炤然易見
不足以避網罟之害莫知所逃也以興賢者在於朝
廷之上為時所陷害不得行道意非能有樂退而隱
居雖遁於山林之中又其姓名聞徹不足以避苛虐

之政莫知所逃毛詩正義正月

言山有此美善之草矣其生也維在梅在栗之下人
往取其梅栗之實則蹂踐害此美草使不得蕃茂以
興國中有此貧弱之民矣其居也維在富人之傍上
多賦斂富人財盡則又并賦此貧弱使之不得生育
俱受困窮毛詩正義四月

樹木將欲顛仆傾拔之時其根揭然而見此時枝葉
未有折傷之害而根本實先斷絕但根本既絕枝葉
亦從而絕以喻王位將欲傾覆喪亡之時而其勢微
弱而危此時羣臣未有死亾之害而王身實先誅滅

王身既滅羣臣亦隨之而滅毛詩正義

歲星客在玄枵惟衝鶉火而鶉尾亦有咎者蓋以歲

星漸西衝則漸東尾之於鳥猶是一身故衝其身而

及其尾春秋正義襄公二十八年

安有巢毀而卵不破乎後漢書孔融列傳

和鸞未調而身在轅側庭宇未踐而棟折椽覆蜀志

傳

天收其精地縮其澤人弔其躬鬼芟其頷蜀志郤正傳

恐霜威一震玉石俱摧晉書索靖傳

譬縣厨之獸如離繳之鳥將充庖鼎以餌鷹鷂梁書王僧

孺傳

宋桓司馬有寶珠抵罪出亾王使人問珠之所在曰

投之池中於是竭池而求之無得魚死焉此言禍福

之相及也呂氏春秋必已

適啓其口七首已陷於胸矣賈子親疏危亂

雖以獲功見封猶食毒肉愉飽而罹其咎也鹽鐵論非鞅

脣亾而齒寒河水崩其懷在山說苑談叢

盜憎主人民愛其上有愛好人者必有憎妬人者夫

子好直言枉者惡之禍必及身矣列女傳周列國晉伯宗妻

大蛇當路使我畏懼湯火之災切近我膚焦氏易林屯之井

雙鳧俱飛欲歸稻池經涉荏澤為矢所射傷我胸臆

焦氏易林屯之旅

暗旦乘車履危蹈溝亾失裙襦摧折兩軸焦氏易林需之革

狼虎所嗥患害必遭焦氏易林噬盜之履

鵠求魚食道遇射戈繒加我頸繳縛兩翼欲飛不能

為羿所得焦氏易林剝之革

蚍蜉戴盆不能上山脚摧跛蹶損傷其頭焦氏易林復之萃

履蛇躡虺與鬼相視驚恐失氣如騎虎尾焦氏易林坎之觀

中夜狗吠盜在廬外焦氏易林遯之升

狼虎所宅不可以居為我患憂焦氏易林明夷之謙

登山伐輻虎在我側焦氏易林蹇之中孚

裹糗荷糧與跣相逢欲飛不得為罔所獲焦氏易林旅之恒

匠卿操斧豫章危殆焦氏易林小過之師

次七乘火寒泉至測日乘火泉至禍不遠也太玄經第三盛

且王不見夫鸛之追雀乎翔薄于霄際而下視其雀

雀仰觀其鸛之追也而伏于岩垣之側鸛乃垂翼而

下之有蛛網張於岩垣涉之而敝是鸛欲捕其雀也

非為其蛛網也而固涉焉是鸛也實有捕蛛之名鸛

又何辭乎由此觀之胡虜鸛也王室雀也晉國蛛網

也寇王室而及晉不猶捕雀而及蛛乎天祿閣外史防胡

俯無鱗以遊遁仰無翼以翻飛曹子建臨觀賦

夫藏多者亾厚好謙者忌盈含夜光者速剖循覆車

者必傾過載者沈其舟慾勝者殺其生抱朴子外篇安貧

陵九折於邛夔泛衝波於呂梁傾側成於俄頃性命

哀而莫救廣文選傅季友演慎論

豈見覆巢之下復有完卵乎世說新語

今猶俎上腐肉任人膾截耳世說新語方正

但恐革車之所轡轆劍騎之所蹂踐椅梓於焉傾折

竹箭以此摧殘藝文類聚雜文

嚴霜之零無所不肅長林之斃無所不標是以楚斬

既填遊魚無託吳宮已火歸燕何巢文苑英華

本良車輪折翻嗟馬骨傷文苑英華詩

周書曰魚龍成則藪澤竭藪澤竭則蓮藕掘爾雅

福禧出門妖孽入戶天網以發不可解之也道德經指歸卷

八 如置火在乾蘆草舍樓堂臺觀亦被焚燒達磨法蘊足論多界

品十 譬如入賊中行不自慎護為賊所得大智度論卷十

滋甚

言天既終日風且其間又有暴疾以興州吁既不善

命木人事

卷五十五 滋甚

而其間又有甚惡毛詩正義終風

天既終日風且又有暴甚雨土之時以興州吁常為

不善又有甚惡恚怒之時毛詩正義終風

天既終日風且復陰而曠不見日光矣而又曠以興

州吁既常不善且復怒而甚不見喜悅矣而又甚毛詩

正義終風

言四月已漸暑至六月乃暑極以興王初即位雖為

惡政矣未甚酷至于今乃極酷也毛詩正義四月

豕性本自能水又加以滂沱之雨是豕彌得性益難

禁制以喻荆舒本自好叛加以王之不善是彼彌得

志益難咸服毛詩正義漸漸

以貴戚廢錮當復以貴戚浣濯之猶解醒當以酒也

後漢書第五倫列傳

蜂目彌彰梟聲無改陳書留異傳

火既熾矣更負薪以促之數既窮矣又為惡以促之

欲求大厦不燔延期過曆不亦難乎北齊書幼主帝紀

狼子之心出而彌野隋書高祖下帝紀

以火救火以水救水名之曰益多莊子人間世

里人有病里人問之病者能言其病然其病病者猶

未病也若越之聞大道譬猶飲藥以加病也莊子庚桑楚

惜乎惠施之才駘蕩而不得逐萬物而不反是窮響以聲形與影競走也莊子天下

其國亂弱矣又皆釋國法而私其外則是負薪而救火也亂弱甚矣韓非子有度

止言以言止事以事譬猶揚堞而彌塵抱薪而救火流言雪汙譬猶以涅拭素也淮南子說山訓

以詐應詐以譎應譎若披蓑而救火毀瀆而止水乃愈益多淮南子說林訓

病熱而強之餐救暍而飲之寒救經而引其索拯溺而授之石欲救之反為惡淮南子說林訓

求白潔而益其垢猶抱石以救溺愈不濟矣孔叢子陳士義城愈高而衝愈巧池逾深而梯逾妙法令明而盜賊

多盟約數而叛亂甚猶風波駭而魚鼈擾於淵纖羅密而羽禽躁於澤豺狼衆而走獸劇於林爨火猛而

小鮮糜於鼎也抱朴子內篇明本真君建德之事適足推波助瀾縱風止燎爾文中子問易

炙鼓使鳴絞絃令悲實能鼓速穿絃早絕意林抱朴子可謂吞冰療寒揚湯止沸藝文類聚人部說

將軍平日與攀無郤而欲殺之者但恐其為蜂蠆耳今攀以去而尚拘閉其家以情推之其念為毒螫必

滋甚矣 藝文類聚 寶玉部金

風雨之傷人也先客於皮膚傳入於孫脉孫脉滿則傳入於絡脉絡脉滿則輸於大經脉血氣與邪并客於分腠之間其脉堅大故曰實實者外堅充滿不可按之按之則痛 黃帝素問內經調經論

風者百病之長也今風寒客於人使人毫毛畢直皮膚閉而為熱當是之時可汗而發也或痺不仁腫痛當是之時可湯熨及火灸刺而去之弗治病入舍於肺名曰肺痺弗治肺即傳而行之肝病名曰肝痺當是之時可按若刺耳弗治肝傳之脾病名曰脾風當

此之時可按可藥可浴弗治脾傳之腎病名曰疝瘕當此之時可按可藥弗治腎傳之心病筋脉相引而急病名曰瘵當此之時可灸可藥弗治滿十日法當

疾 黃帝素問內經 玉機真藏論

如負乾草而欲救火又如愚人抱疾避病亦如童稚

奔走避影 玉清經通 濟幽冥品

譬如惡狗以苦膽灌鼻彼狗倍生凶惡心不 大寶積經卷二

如世間以火滅火以毒治毒 佛本行集經卷五十七

譬如大火投之乾薪其燄轉更倍常增多 本緣經 龍品

倍更增益瞋恚猶如膏油投之猛火 本緣經月 光王品

猶如猛火投之膏油膏油既至倍復熾然亦如毒藥
投生血中其力則盛譬如渴人飲於鹹水如秋增熱

春多洩唾本緣經月
光王品

如酥注火倍增熾劇無明羅
利經

姪人行慈益癡悶如人冷病服冷藥三昧法門
經卷下

瞋人觀惡增恚心如人熱病服熱藥三昧法門
經卷下

譬如重病之人雖有眾藥療之無損藥復作病大智
度論

卷九
十四

有一人於行路側作小苦行若有人時卧棘刺上若

無人時別居餘處有人見已而語之言汝今亦可徐

卧刺上何必縱體傷毀甚多此人聞已深生瞋忿放

身縱體投棘刺上轉劇於前時有一優婆塞在其傍

立是苦行者見已自擺轉復增劇優婆塞即語之言

汝於前者但以小刺今復乃用瞋恚之棘而以自刺

先所刺者傷毀甚淺貪瞋之刺乃為深刺卧棘刺者

苦止一世貪瞋刺苦及無量身以刺刺身此瘡易滅

貪瞋刺瘡歷劫不差是故宜速除深毒刺大莊嚴經
論卷二

如似疥搔瘡搔之痒轉增大莊嚴經
論卷七

夫日月麗天而瞽者莫覩其明雷電震地而聾者不

聞其響是誰之過與而方欲議宮商之音篋文章之

俞林人事卷五十五
滋甚

觀真過之甚者弘明集釋駁論

可以不通者通之羊粵會大其罪惡

貪鄙陳奮聖賦不差其姑宜表剝罪毒陳論卷二

苦立一其貪鄙陳苦又無量也其陳陳其出者之

去復陳者其其甚矣貪鄙之味以盜器陳其其

或於前者其以不陳今其以思期志之棘而以自陳

立其苦行其其日自其陳其其陳其其陳其其

良其其其其其其其其其其其其其其其其其其

相陳其其其其其其其其其其其其其其其其其其

喻林卷五十六

宣城華陽徐元太汝賢父編輯

猶子徐胥慶無猜父校

徐昭慶穆如父閱

人事門 五十四

必敗

不利涉大川入于淵也易訟

上六濡其首厲象曰濡其首厲何可久也易既濟

以小人之身過而弗遇必遭羅網其猶飛鳥飛而无

託必離繒繳周易正義小過

喻林人事門 卷五十六 必敗

王行既可哀傷又將至於傾危猶商人涉路既有疲勞又將困於陰雨商人之遇陰雨則有泥陷之難王行之至傾危必有滅亡之憂毛詩正義正月

周將亡如心星之光耀見於魚笱之中其去須臾也

鄭氏箋詩茗之華

王自絕於天如泉水之流稍就虛竭鄭氏箋詩抑

厚而無基必自崩喻衆所不附將自敗也春秋正義隱公元年

幽王敗亂周之法度猶毀壞高山以為魁陵糞土殘

絕川藪以為溝瀆無有悛止之時國語解周下單穆公

夫以一縷之任係千鈞之重上懸無極之高下垂不

測之淵雖甚愚之人猶知哀其將絕也馬方駭鼓而

驚之係方絕又重鎮之係絕於天不可復結隊入深

淵難以復出前漢書枚乘傳

雖有孫吳將賁育士若入水火往必焦沒知勇亾所

施前漢書西南夷傳

炎炎燎火亦允不陽前漢書敘傳述成紀

牆隙而高其崩必疾也後漢書折像傳

袁紹孤客窮軍仰我鼻息譬如嬰兒在股掌之上絕

其哺乳立可餓殺後漢書袁紹列傳

若魚遊釜中喘息須臾間耳後漢書張皓列傳

猶冰霜見日必至消滅後漢書劉陶謝傳

猶舉函牛之鼎絰纖枯之末詩人所以眷然顧之潛

焉出涕者也後漢書劉陶謝傳

以張將軍之眾當百萬之師猶以小雪投沸湯雖欲

戮力其勢不全也後漢書張宗列傳

鑊中之魚火熾湯盡當悉焦爛後漢書應奉傳註

則羣逆冰摧不俟朱陽之耀若秋霜隕稗豈待勁風

之威晉書姚興上傳

想來逆者當前行一尺却行一文晉書長沙王文傳

螳龜微命擬雷霆之衝已枯之葉當霜飆之隊宋書孔凱

傳

猶勁颯之拂細草烈火之掃寒原燹卷之形昭然已

著宋書鄧琬傳

雖窮鳥必啄固等命於梁鶉困獸斯驚終竝懸於厨

鹿南齊書王融傳

此其必亡也猶自萬仞之山播而入深淵其死而不

振也必矣管子宙合

譬之猶廓革者也廓之大則大矣裂之道也淮南子道應訓

譬若載無轄之車以臨千仞之谷其不顛覆亦難冀

也孔叢子嘉言

命木人事一必敗

三

高牆豐上激下未必崩也降雨興流潦至則崩必先
矣草木根芟淺未必撼也飄風興暴雨墜則撼必先
矣君子居是邦也不崇仁義尊賢臣以理萬物未必
亡也一旦有非常之變諸侯交爭人趨車馳迫然禍
至乃始憂愁乾喉焦唇仰天而嘆庶幾乎望其安也
不亦晚乎

韓詩外傳

搆兵爭強而卒俱亾雖以進壞廣地如食煎之充賜
也欲其安存何可得也

鹽鐵論

是猶措重寶於道路而莫之守也求其不亡何可得

乎

鹽鐵論世務

包丘子不免於甕牖高廬如潦歲之齏口非不眾也

然卒歿於溝壑而已

鹽鐵論毀學

眇雞無距與鵠交鬪翊折目盲為鳩所傷

焦氏易林乾之遯

弓矢俱張把彈折絃丸發不至道遇害患

焦氏易林乾之明夷

小狐渡水汗濡其尾

焦氏易林蒙之師

樹植藿豆不得芸鋤

焦氏易林訟之履

鱉蝦去海藏於枯里

焦氏易林謙之明夷

精華墜落形體醜惡齟齬挫頓枯槁腐蠹

焦氏易林豫之履

冰入炭室消亡不息

焦氏易林隨之困

病篤難醫和不能治

焦氏易林臨之益

命木人事

卷五十一

九

病疾不醫下即高廬焦氏易林觀之坤

斧斤所斫瘡痍不息鍼口不施下即空室焦氏易林噬嗑之益

昧暮乘車履危路溝亡失羣物摧折兩軸焦氏易林睽之履

執熱爛手大為災咎焦氏易林姤之中孚

坎中蝦蟆乍盈乍虛三夕二朝形消无餘焦氏易林困之睽

兔跛鹿踦緣山墜墮焦氏易林歸妹之睽

言太山將頽為池以喻君且失其位用心迷惑過惡

已成若江河之決不可涸塞也王逸註楚辭七諫

言使蒯瞶無義之人登於清廟而執綱紀放棄聖人

咎繇於外野政必亂身危殆也王逸註楚辭九歎

言駟馬驚犇雖有執轡之御猶不能制必摧車輓而

折其轅以言賢臣奔亾使國荒亂而傾危也王逸註楚辭九歎

無異策穿蹄之乘而登太行之險亦必顛躓矣徐幹中論

審大不得其術者古人方之於冰盃之盛湯羽苞之蓄火

臣也抱朴子內篇極言

然身中之所以為氣為血者株源已喪但餘其枝流

也抱朴子內篇極言

夫災蟲害穀至降霜則殄矣佞雄亂羣值嚴時則敗

也抱朴子內篇極言

夫災蟲害穀至降霜則殄矣佞雄亂羣值嚴時則敗

矣抱朴子外
篇疾謬

重載不止所以沈我舟也昧進忘退所以危我身也

聚蝎攻本雖權安然必傾之徵也抱朴子外
篇廣譬

鄉黨之友不洽而勤遠方之求泣官之稱不著而索

不次之顯是以雖佻虛譽猶狂華于霜以寒曜不崇

朝而零碎矣雖竊大寶於不料冒惟塵以負乘猶鮮

介附騰波以高凌顧眄已枯株於危陸矣抱朴子外
篇循本

披褐而喪珠失皮而露質兀若枯木泊若窮流顏氏
家訓

勉學勉學

潛朽之木不能當傾山之風含隙之崖難以值滔天

之濤抱朴子外
篇廣譬

魏明帝善哉行曰權實豎子備則亾虜假氣遊魂鳥

魚為伍李善註文選孫子
荆為石仲容書

薄戍綿羃無異蛛蝥之網弱卒瑣甲無異螳螂之衛

文選魏都賦

故函谷擊柝於東西朝顛覆而莫持文選東
京賦

不知天網設張以在綱目繫鑊之魚期於消爛也文選

陳琳檄吳將校文

外失輔車唇齒之援內有毛羽零落之漸文選孫楚
為石仲容
作書

嗟弊廬之難保若實擇之從風廣文選沈休文郊居賦

薄冰當白日聚毛遇猛火雖欲遠害其勢不可意林魏子

舟從流於河而無維楫求安不可得也意林公孫文子

桀紂雖有天子之位而無一人之譽猶朽株枯樹逢

風則仆意林正部

猶擗轡而繁策馳覆車之危路羣乘舟而無楫將何

川而能渡藝文類聚雜文部賦賦

危殆之國治不益之民是猶薄冰當白日聚毛過猛

火也藝文類聚水部冰

此禍水也滅火必矣事文類聚宮嬪

漂櫓溺駮孱然已至亂麻積莽可為寒心文苑英華盧思道檄

食鉤吻以療饑飲鳩毒以救渴文苑英華杜預檄

夫齋不訾之寶獨宿曠野其危甚於累卵比之秦猶

有泰山之安也太平御覽珍寶部寶

奔車失轄泛舟無楫欲以不覆未之有也太平御覽舟部敘舟

歧伯曰五官不辨闕庭不張小其明堂蕃蔽不見又

埤其牆牆下無基垂角去外如是者雖平常殆况加

疾哉黃帝素問靈樞經五閭五使

俞木人事卷五十六必敗

居君者為虜居虎者為鼠名在青雲之上身處黃泉之下道德經指歸卷八

如其不爾無為抱石而濟長津矣漢武帝內傳

若以野葛一寸巴豆一兩入喉輒殭不得俛仰當此

之時周文撲著孔父占象扁鵲操鍼巫咸叩鼓安能

令蘇復起馳走參同契

譬如稻莠節蟲即死海空智藏經持誡品

猶如河岸臨險之樹若遇驚颿必當顛墮元陽妙經卷一

違道失德如兒生無母如魚脫淵靈寶自然妙經

譬如枯朽之木遇風即折將崩之岸值水先頽養性延命錄

錄教誠篇

不異舉滄波以注爍火頽華嶺而斷涓流語其易也

甚於茲矣養性延命錄教誠篇

如仰唾天不離其身如仰射天箭還自中玉清經道化四夷品

如履湯炭稀不燒灼玉清經通濟幽冥品

如有商人無巧便智船在海岸未具裝治即持財物

安置其上推著水中速便進發是船中道壞没人船

財物各散異處波羅蜜多經卷三百一十二

譬如泛海所乘船破其中諸人若不取木器物浮囊

板片為依附者定知溺死不至彼岸波羅蜜多經四百四十四

譬如斷華著日中即為萎枯

道行波羅蜜經卷三

譬如以鹽投水消滅無餘

大寶積經七十三

如以蘇滴置炎鐵上欵自消滅

大寶積經卷一百二十

如取水魚置夏日中熱惱所逼宛轉于地

大寶積經卷一百二

猶如度海乘朽爛船於大海中或沉或浮

大寶積經卷一百二

譬如有人吞金剛丸當知是人不久必死何以故彼

金剛丸不可消故

大集菩薩三昧經卷十

猶眾盲兒各相扶持彼在前者不見於後亦不見中

彼在中者不見於前亦不見後彼在後者不見於中

亦不見前

中阿含經卷三十八

如人執小木而入於巨海人木則俱沒

雜阿含經卷十六

若樓若堂屋不覆若使雨來竿亦漬椽亦漬壁亦漬

已漬壁亦腐椽亦腐竿亦腐

三觀經

如海無主船隨風而東西

本緣經毗羅摩品

譬如坏器值天降雨悉皆爛壞無有遺餘三界眾生

亦復如是遇無常雨無得免者

本緣經持王子品

譬如兩人俱不曉泅墮於深水欲相勉濟反更溺死

譬如盲牽盲欲有所至中道迷惑竟不能達

脩行道地經慈

譬如山水流行暴疾起曲橫波有人欲渡入水而泗
欲至彼岸迴波制還令在中流既疲且極遂沉波水

沒在其底

脩行道地
經數息品

佛言愛欲之於人猶執炬火逆風而行愚者不釋炬

必有燒手之患

佛說四十四
章經尺一

佛言人繫於妻子寶宅之患甚於牢獄桎梏榔檔牢

獄有原赦妻子情欲雖有虎口之禍已猶甘心投焉

其罪無赦

佛說四十二
章經尺一

如囚在獄四顧牢密唯有廁孔更無異路如人中毒

唯糞能治更無餘藥

禪要阿
欲經

如毒摩瘡船入洄瀆惡行流憊靡不傷剋

法句經
惡行品

如江河無水游魚無所依樹木皆摧折飛禽無所止

正法經
卷一

法船欲破法城欲頽法海欲竭法幢欲倒法燈欲滅

說法人欲去

大智度
論卷二

譬如老病失力歿事易得

大智度論
卷十四

如吞鉤之魚雖復遊戲池中當知出在外不久

大智
度論

卷六
十六

譬如風雨在牛皮中則爛壞

大智度論
卷七十

喻木人事

卷五十六

必敗

十

是以投火有必糜之軀漂海無或生之命

法苑珠林卷六十五

狗外

咸道轉進離拇升腓腓體動躁者也感物以躁凶之

道也

王弼註 易咸

今不知道者見柔懦者侵則矜為剛毅見剛毅者亾則矜為柔懦此本無主於中而見聞舛馳於外者也故終身而無所定趨譬猶不知音者之歌也濁之則鬱而無轉清之則焦而不謳及至韓娥秦青薛談之謳侯同曼聲之歌憤於志積於內盈而發音則莫不比於律而和於人心何則中有本主以定清濁不受

於外而自為儀表也今夫盲者行於道人謂之左則

左謂之右則右遇君子則易道遇小人則陷溝壑何

則目無以接物也

淮南子 汎論訓

以瓦鉉者全以金鉉者跋以玉鉉者發是故所重者

在外則內為之據

淮南子 說林訓

觀射者遺其藝觀書者忘其愛意有所在則忘其所

守

淮南子 說林訓

次六從其目失其腹測曰從目失腹欲不從也

太玄 經第

二從

汝不聞莒人有狗人而忘身者乎以千金遊於天下

必求其悅已者有不悅者則分金而惠之悅已者不
盈千人而金竭遂憾而歿今吾潔其躬而失蜀人之
望非固也竊慮莒人之金不足以勝悅已之衆耳天祿

閣外史
辭爵

夫勞形役智以應世務失其自然者也故堯有亢龍
之喻舜有卷僂之談周公類之走狼仲尼比之逸狗

豈不或信哉莊子音
義外物

夫人在陽時則舒在陰時則慘此牽乎天者也處沃
土則逸處瘠土則勞此繫乎地者也慘則慙於歡勞
則褊於惠能違之者寡矣文選西
京賦

譬如愁人心意昏亂煩毒熱悶於此人前設諸幻術

木男木女木牛木馬羅列施張作諸戲術愁者見之

生牛馬想息諸煩惱心意泰然大乘妙
林經

譬如青蓮鬢漂鼓隨波動大莊嚴經
論卷四偈

飾貌

輔頰舌者言語之具咸道轉末在於口舌言語而已

故云咸其輔頰舌也周易正
義咸

靜言庸違象恭洎天書堯
典

貌象恭敬而心傲狠其侮上陵下若水漫天尚書正
義堯典

蠶則須匡以貯繭而今無匡蟹背有匡匡自著蟹則

非為蠶設蜂冠無綫而蟬口有綫綫自著蟬非為蜂設亦如成人兄死初不作衰後畏於子臯方為制服服是子臯為之非為兄施亦如蟹匡蟬綫各不關於蠶蜂也

禮記正義檀弓下

色厲而內荏譬諸小人其猶穿窬之盜也與

論語陽貨

男子樹蘭美而不芳繼子得食肥而不澤情不相與

往來也

淮南子繆稱訓

不得已而歌者不事為悲不得已而舞者不矜為麗

歌舞而不事為悲麗者皆無有根心者

淮南子詮言訓

畫西施之面美而不可說規孟賁之目大而不可畏

君形者亾焉

淮南子說山訓

情貌不相副若穿踰之盜自古而患之

鹽鐵論國病

次五鼎大可觴不齊不莊測曰鼎大可觴饗無意也

太玄經第四竈

口稱靜退心希榮利未得玄圃之棲禽九淵之潛鱗

也

抱朴子外篇正郭

飾冠以玉光好外見中非所有也

前漢書註陳平傳

予非荆山璞謬登和氏場羊質服虎文燕翼假鳳翔

文選棗據詩

以犬羊之質服虎豹之文無衆星之明假日月之光

文選魏文帝
與吳質書

隼翼鷙披虎威狐假廣文選庾子
山哀江南賦

程曉女典曰麗色妖容高才美辭此乃蘭形棘心玉

曜瓦質困學紀聞卷
十七評文

譬若錦韜矛羅縠裏鋒鋦愚者覩其表翫之以自殃

優慎王
經衣六

如生盲人著金華鬘是不自知三戒經
卷中

結跏趺端坐不動如大山其心內迷散情猶象墮澗

脩行道地
經慈品

如是脩行者身定而心亂譬若樹狂華不成果而落

脩行道地
經慈品

口言柔軟而心懷毒如種苦樹其華色鮮成果甚苦

脩行道地
經慈品

譬如畫餅視表甚好裏空且冥脩行道地
經慈品

如人得畫餅發之知不淨脩行道地
經慈品

禪要阿
欲經

亂真

孔子曰惡似而非者惡莠恐其亂苗也惡紫恐其亂
義也惡利口恐其亂信也惡鄭聲恐其亂樂也惡紫

恐其亂朱也惡鄉原恐其亂德也

孟子子盡心下

西門豹為鄴令而辭乎魏文侯魏文侯曰子往矣必

就子之功而成子之名西門豹曰敢問就功成名亦

有術乎文侯曰有之矣鄉邑老者而先受坐之士子

入而問其賢良之士而師事之求其好掩人之美而

揚人之醜者而參驗之夫物多相類而非也幽莠之

幼也似禾鰲牛之黃也似虎白骨疑象武夫疑玉此

皆似之而非者也

戰國策魏文侯

犁牛之駮似虎莠之幼似禾事有似是而非者

魏志文帝

紀註

舍實逐聲之行是猶美西施而學其顰眉慕有道而

折其中角所以為慕者非其所以為美徒貴貌似而

已矣夫紫之亂朱以其似朱也故鄉原似中和所以

亂德放達似達所以亂道然竹林之為放有疾而為

顰者也元康之為放無德而折巾者也可無察乎

晉書

戴逵傳

使人大迷惑者必物之相似也玉人之所患患石之

似玉者相劍者之所患患劍之似吳干者賢主之所

患患人之博聞辯言而似通者亾國之主似智亾國

之臣似忠相似之物此愚者之所大惑而聖人之所

加慮也故墨子見歧道而哭之

呂氏春秋疑似

梁北有黎丘部有奇鬼焉喜效人之子姪昆弟之狀

邑丈人有之市而醉歸者黎丘之鬼效其子之狀扶

而道苦之丈人歸酒醒而誚其子曰吾為汝父也豈

謂不慈哉我醉汝道苦我何故其子泣而觸地曰孽

矣無此事也昔也往責於東邑人可問也其父信之

曰謔是必夫奇鬼也我固嘗聞之矣明日端復飲於

市欲遇而刺殺之明日之市而醉其真子恐其父之

不能反也遂逝迎之丈人望其真子拔劍而刺之丈

人智惑於似其子者而殺其真子夫惑於似士者而

失於真士此黎丘丈人之智也

呂氏春秋疑似

芻狗能立而不能行蛇牀似麋蕪而不能芳

淮南子說林訓

譬若土龍文章首目具而非龍也葶歷似菜而殊味

玉石相似而異類

鹽鐵論刺議

經第五疑

徒冬切

次五疇黃疑金中測曰疇黃疑中邪奪正也

太玄

魚目豈為珠蓬蒿不成櫝

參同契箋註下篇

夫治世不得真賢譬猶治疾不得良醫也治疾當真

人參反得支羅服當得麥門冬反烝橫麥已而不識

真合而服之病以侵劇不自知為人所欺也乃反謂

方不誠而藥皆無益於病因棄後藥而弗敢飲而便
求巫覡者雖死可也

潛夫論
思賢

所患於其如砒砒之亂瑾瑜鷦螟之似鳳凰凝冰之
類水精煙熏之疑雲氣故令不謬者眇也

抱朴子外
篇行品

佞與賢相類詐與信相似辯與智相亂愚直相像若
薺芘之亂人參蛇牀之似藤蕪也

劉子
心隱

蒼蠅間乎白黑紅紫似朱而非

揚子法言
註吾子篇

黃精葉乃與鈎吻相似惟莖不紫花不黃為異而人
多惑之其類乃殊遂致死生之反

本草
黃精

珉似玉而非玉雞類鳳而非鳳物誠有之人故宜爾

廣文選范子
真神滅論

君子不以昏行易操不以夜昧易容夫自有高世之
名必有負俗之累有絕羣之節必嬰謗嗤之患白骨
擬象魚目似珠遙聽遠望無不亂也

意林
唐子

如似被金塗磨時色不顯金若不真者以石磨則知

大莊嚴經
論卷十七偈

忌菑紫之妨薰朱器雉珉之亂鳳玉

弘明
集十

嗟夫北里之亂雅惡綠之奪黃也

弘明集
正誣論

失真

蚩兄死者言其衰之不為兄死如蟹有匡蟬有綏不

唯木
為蠶之績范之冠也

鄭氏註禮檀弓下

燕人生於燕長於楚及老而還本國過晉國同行者誑之指城曰此燕國之城其人愀然變容指社曰此若里之社乃喟然而嘆指舍曰此若先人之廬乃涓然而泣指壠曰此若先人之冢其人哭不自禁同行者啞然大笑曰予昔給若此晉國耳其人大慚及至燕真見燕國之城社真見先人之廬冢悲心更微

列子

周穆王

郢人有遺燕相國書者夜書火不明因謂持燭者曰舉燭云而過書舉燭舉燭非書意也燕相受書而說

之曰舉燭者尚明也尚明也者舉賢而任之燕相白

王大說國以治治則治矣非書意也今世舉學者多

似此類

韓非子外儲說左上

亾國戮民非無樂也不樂其樂溺者非不笑也罪人

非不歌也狂者非不武也亂世之樂有似於此君臣

失位父子失處夫婦失宜民人呻吟其以為樂也若

之何哉

呂氏春秋大樂

次三畫象成形乎無成測曰畫象成形非其真也

太玄

經第四禮

風之與虎亦同氣類設為土虎置之谷中風能至乎

夫土虎不能而致風土龍安能而致雨王充論衡 亂龍篇

情苟類焉則雖形不與同而物無害心情類苟亾則

雖形同母子而不足以固其志矣郭子註莊 德充符

慕賞而孝去真遠矣斯尚賢之過也其波蕩傷性遂

至於踣河郭子註莊 外物

不雜為淳以水澆之則味漓薄樸大質也割之則散

也前漢書 黃霸傳

魏略云大秦國出赤白黑黃青綠縹紺紅紫十種流

離此蓋自然之物采澤光潤喻於衆玉其色不恒今

俗所用皆錯沿石汁加以衆藥灌而為之尤虛脆不

真實非真物前漢書 西域傳

圖形於影未盡纖麗之容察火於灰不覩洪赫之烈

是以問道存乎其人觀物必造其質文選 連珠

一犬吠形百犬吠聲意林 潛夫論

譬如畫師畫形而非真形无上內秘藏 經顯功德品

譬若木人機關作之既畢解剝其體節節相離手足

狼藉優填王 經衣六

如有男子欲見大海遊到陂沓及泉江河於彼求寶

而獲水精小明月珠自以還得金剛尊光脩行道地 經緣覺品

譬如有人欲見天帝而覩邊王則謂是帝欲學正覺

意有齊限不解深慧還墮緣覺亦如是也

脩行道地經緣覺品

如機關木人動雖能動作內無有主

大智度論卷三十

如油中見像黑則非本色如五尺刀中橫觀則面像

廣縱觀則面像長則非本面

大智度論卷三十六

有一山羌偷王庫物而遠逃走爾時國王遣人四出

推尋捕得山羌答言我衣乃是祖父之物王遣著衣

實非山羌本所有故不知著之應在手者著於脚上

應在胷者反著頭上借以為譬王者如佛寶藏如法

愚癡羌者猶如外道竊聽佛法著已法中以為自有

然不解故布置佛法迷亂上下不知法相如彼山羌

得王寶衣不識次第顛倒而著

百喻經卷上

昔有一人入山學道得五通仙天眼徹視能見地中

一切伏藏種種珍寶國王聞之心大歡喜便語臣言

云何得使此人常在我國不餘處去使我藏中得多

珍寶有一愚臣輒便往至挑仙人雙眼持來白王臣

以挑眼更不得去常住是國王語臣言所以貪得仙

人住者能見地中一切伏藏汝今毀眼何所復住

百喻

經卷上

忽已

人病舍其田而芸人之田所求於人者重而所以自

任者輕

孟子盡心下

吾不貴其用智之如目見毫毛而不見其睫也今王

知晉之失計而不自知越之過是目論也

史記越世家

以兩手而揜人之聰明自以為得也而不知其聾聵

之疾已移於已也

子華子晏子

楊朱見梁王言治天下如運諸掌梁王曰先生有一

妻一妾而不能治三畝之園而不能耘而言治天下

如運諸掌何也

列子揚朱

政亂而惡人之非已也致不肖而欲人之賢已也心

如虎狼行如禽獸而又怨人之賊已也

荀子脩身篇

縷因鍼而入不因鍼而急嫁女因媒而成不因媒而

親夫子之材必薄矣尚何怨乎寡人哉

說苑善說

夫薑桂因地而生不因地而辛婦人因媒而嫁不因

媒而親子之事主未耳何怨於我

新序雜事

蔡生欲安項咸陽不能移又亨之或者未辯歟曰生

捨其木猴而謂人木猴亨不亦宜乎

揚子重黎篇

已身變異則外物所不達故有是非之議不內求諸

已而厚責於人亦猶楊布服異而怪狗之吠也

張湛註列

傳符

譬如藥師持藥囊行而自身病不能療治

大寶積經卷一百一

譬如醫滿一具器藥不能自愈其病

佛遺日摩尼寶經推六

譬如有人渴欲飲水若至泉池若陂若井未飲其水

先擲糞穢寘中擲糞寘已還欲飲水聞水臭穢憎惡

不飲不說自汗因緣反說彼過奇哉此水甚大臭穢

自過不曉而與彼水作其過咎

發覺淨心經卷上二衣四

猶如癩病人而為諸世間廣說治癩方自病不能救

安能療他疾

鵝崛摩羅經卷二

猶如有人捨己禾稼鋤他田苗

長阿含經卷十七

是如盲執燭照彼不自明

法句經多聞品

猶如盲人不自見過

本緣經毗羅摩品

昔有一人其他相瞋愁憂不樂有人問言汝今何故

愁悴如是即答之言有人毀我力不能報不知何方

可得報之是以愁耳有人語言唯有毗陀羅咒可以

害彼但有一患未及害彼反自害已其人聞已便大

歡喜願但教我雖當自害要望傷彼

百喻經卷下

愚未效

喻林卷五十七

宣城華陽徐元太汝賢父編輯

猶子徐胥慶無猜父校

徐朋慶壽如父閱

人事門 五十五

忽大

養其一指而失其肩背而不知也則為狼疾人也孟子

告子上

不能二年之喪而總小功之察放飯流歎而問無齒

決是之謂不知務孟子盡心上

喻林人事門 卷五十七 忽大

諦毫不可見天地之大審小音者不聞雷霆之聲

關尹子九藥

夫目察秋毫之末耳不聞雷霆之聲耳調玉石之聲

目不見太山之高何則小有所志而大有所忘也淮南

子淑真訓

殺戎馬而求狐狸援兩鼈而失靈龜斷右臂而爭一

毛折鎔邪而爭錐刀用智如此豈足高乎淮南子說山訓

畫者謹毛而失貌射者儀小而遺大淮南子說林訓

觴酒豆肉遷延相讓辭小取大雞廉狼吞鹽鐵論褒賢

夫小事者味甘而大道者醇淡近物者易驗而遠數

者難效非大明君子則不能兼通者也故皆惑於所

甘而不能至乎所淡眩於所易而不能反於所難徐幹

中論務本

夫所知麥之善於菽稻之勝於稷由有效而識之假

無稻稷之域必以菽麥為珍養謂不可尚矣然則世

人不知上藥良於稻稷猶守菽麥之賢於蓬蒿而必

天下之無稻稷也嵇中散集答難養生論

避牛跡之淺嶮而墮百仞之不測違濡足之泥涇投

鑣冶而不覺乎抱朴子外篇逸民

澄視於秋毫者不見天文之煥炳肆心於細務者不

覺儒道之弘遠翫鮑者忘蒞蕙迷大者不能及抱朴子外

教 篇崇

夫曲思於細者必忘其大銳精於近者必略於遠由
心不並駐則事不兼通小有所係大必所忘也故仰
而貫針望不見天俯而拾蟲視不見地天地至大而
不見者眸掩於針蟲故也劉子 觀量

智伯庖人亡炙一篋而即知之韓魏將反而不能知
邯鄲子陽園亡一桃而即覺之其自亡也而不能知
斯皆銳情於小而忘大者也劉子 觀量
今人主不思甘露零體泉涌而患枇杷荔支之腐亦

鄙矣藝文類聚 果部枇杷

修習蚊蚋行而不志龍象鷲崛摩羅 經卷二

昔有父子二人緣事共行路賊卒起欲來剝之其兒
耳中有真金璫其父見賊卒發畏失耳璫即便以手
挽之耳不時決為耳璫故便斬兒頭須臾之間賊便
棄去還以兒頭著於肩上不可平復如是愚人為世
間所笑百喻經 卷下

山中揭鳥尾有長毛毛有所著便不敢復去愛之恐
拔覆為獵者所得身為分散而為一毛故三慧經 藉八
譬如犛牛護尾一毛著樹守樹而死不令毛斷達摩 多羅

禪經下
榮八

焉得閉日以觀天地塞耳而聽雷霆

辯正論卷五

曷為存濡沫之小惠捨夫江海之大益

僧肇註維摩詰經菩薩品

自多

以此視物猶如眇目自為能視不足為明也以此履

踐猶如跛足自為能履不足與之行也

周易正義履

君臣並不自知俱曰我身大聖唯各自矜而賢愚無

別譬之於鳥誰能知其雌雄者

毛詩正義正月

彼童羊實無角而為有角自用妄為舐觸人以喻王

后本實無德而為有德自用橫干政事

毛詩正義抑

齊莊公朝指殖綽郭最曰是寡人之椎也州綽曰君

以為雄誰敢不雄然臣不敏平陰之役先二子鳴

左傳

襄公二十一年

王好戰請以戰喻填然鼓之兵刃既接棄甲曳兵而

走或百步而後止或五十步而後止以五十步笑百

步則何如曰不可直不百步耳是亦走也

孟子梁惠王上

往時遼東有豕生子白頭異而獻之行至河東見羣

豕皆白懷慚而還若以子之功論於朝廷則為遼東

豕也

後漢書宋浮列傳

墨屎單至蟬咥慙慙四人相與游於世胥如志也窮

木人事

卷五十一 自多

四

年不相知情自以智之深也巧佞愚直婢斫便辟四人相與游於世胥如志也窮年而不相語術自以巧之微也繆怛情露譏極凌誅四人相與游於世胥如志也窮年不相曉悟自以才之得也眠挺誣誘勇敢怯疑四人相與游於世胥如志也窮年不相謫發自以行無戾也多偶自專乘權隻立四人相與游於世胥如志也窮年不相顧眄自以時之適也此衆態也

列子
力命

培井之鼃謂東海之鼃曰吾樂與吾跳梁乎井幹之上入休乎缺甃之崖赴水則接掖持頤蹶泥則沒足

滅跗還軒蟹與科斗莫吾能若也

莊子
秋水

鄭人緩為儒使其弟墨儒墨相與辯其父助翟十年而緩自殺其父夢之曰使而子為墨者予也闔胡嘗視其良既為秋栢之實矣夫造物者之報人也不報其人而報其人之天彼故使彼夫人以己為有以異於人以賤其親齊人之井飲者相粹也故曰今之世皆緩也

莊子
列御寇

夫醜者自以為姣故不飾愚者自以為知故不學觀笑在已而不自知不好用人自是之過也

鹽鐵論
殊路

莫視而自見莫賈而自貴

鹽鐵論
訟賢

言以荷葉爲衣雖香好然浩浩蕩蕩而不可帶又易
敗也以諭懷王自以爲有賢明之德猶以荷葉爲衣

王逸註楚辭九辨

上聖兼策載馳猶懼不逮前而庸主緩步按轡而自

以爲過之抱朴子外篇君道

但知私財不入公事夙辦便云我能治民不知誠已

形物執轡生組反風滅火化鴟爲鳳之術也顏氏家訓勉學

德行未著而稱我能猶足不能行而賣璧藥望人信

之實爲難矣劉子辨施

嫫母鬪井自謂媚勝西施齊桓矜德自稱賢於堯舜

若子貢始事孔子一年自謂勝之二年以爲同德三

年方知不及以子貢之才猶不識聖人之德望風相

崇奚况世人而能推已耶劉子心隱

穿井之人爲已有造泉之功而粹飲者不知泉之天

然也莊子音義列御寇

各以所長相輕所短里語曰家有敝帚享之千金斯

不自見之患也文選魏文帝典論論文

馮夷不遇海若則不以已爲小雲將不失於其鴻濛

則無以知其少由斯言之自是者不章自建者不立

廣文選阮

嗣宗莊論

俞木人事八卷五十七 自多

西施自窺於井不恃其美猶佐湯沐堯舜自窺於世
不恃其美猶須寸德况中庸而拒諫嫫母自窺於井
以爲媚於西施桀紂自窺於世以爲賢於堯舜太平御覽

人事部
美婦人

莊子曰介鬪閭里有狗宋人之驚狗也其家命之爲

淖逐狗不及而止止而望之自以爲過矣初學記獸部狗註

薛談學謳於秦青未窮青之技而辭歸青餞於郊乃

撫節悲歌聲振林木響遏行雲乃謝求反初學記樂部歌

少學或心高易滿如牛跡如鼠手持物自謂已能多

大方廣佛華嚴經讚卷十二

譬如鹽大如微塵此鹽自謂世間鹹者更無過我

世有智者而便取之投之於海唐失其身鹹何所在

大方等陀羅尼經卷四

昔有大長者子共諸商人入海採寶此長者子善誦

入海捉船方法若入海水漩洑洄流磯激之處當如

是捉如是正如是住語衆人言入海方法我悉知之

衆人聞已深信其語既至海中未經幾時船師遇病

忽然便死時長者子即便代處至洄洑駛流之中唱

言當如是捉如是正船槩迴旋轉不能前進至於寶

所舉船商人沒水而死百喻經卷下

俞林人事 卷五十七 自多

舍利弗白佛言譬如貧家饑凍之人得大珍寶如須彌山寧歡喜不佛言甚善舍利弗言我到彼刹得聞彼佛說阿惟越致深奧之事是以欣踊不能自勝佛言善哉如汝所言佛語舍利弗譬如長者大迦羅越純以紫摩金摩尼珠爲寶內有掃除銅鐵鉛錫棄在於外糞壤之中有貧賤者喜得持歸言我大得迦羅越寶寧是長者珍妙寶非荅言非也佛語舍利弗汝所聞得如是貧者

舊雜譬喻經

有一梵志道士智博通達衆經備舉無事不貫貢高自譽天下無比求敵而行無敢應者晝日執炬行城

市中人問之口何以晝日執炬而行梵志荅曰世皆愚冥目無所見是以執炬照之耳佛卽化作一賢者居肆上坐卽呼梵志何爲作此梵志荅曰以衆人冥晝夜不見明故執炬火而照之耳賢者重問梵志經中有四明法爲知之不梵志慚愧棄炬叉手有不及心佛知其意卽還復身光明炳然晃照天地便持梵聲爲梵志若多少有聞自大以憍人是以盲執燭照彼不自明佛說偈已告梵志曰冥中之甚無過於汝而晝執炬行入大國如卿所知何如一塵

法句譬喻經一多聞

譬如春種秋穫自以力得何足自憍大智度論卷十四

指南為北自謂不惑以西為東自謂不矇以鴟梟而

咲鳳凰執螻蛄而調龜龍弘明集牟子理惑論

猶如羣猪中有一猪出羣已詣大糞聚此猪飽食戾

已還至猪羣中便自貢高我能得此好食諸猪不能

得食法苑珠林卷九十

不量

芄蘭刺霍叔也以童子僭成人之服比其不度德量

力而助武庚作亂詩說

語曰以筦闕天以蠡測海以莛撞鐘豈能通其條貫

考其文理發其聲音哉繇是觀之譬猶驕駟之襲狗

狐豚之咋虎至則靡耳何功之有前漢書東

武嘉區區以一蕢障江河用沒其身前漢書何武王嘉師丹傳贊

此猶河濱之人捧土以塞孟津多見其不知量也後漢

書朱浮列傳

乃欲運螳螂之斧禦隆車之墜後漢書袁紹列傳

然儉以區區一掌而欲獨堙江河終嬰疾甚之亂後漢

書黨錮列傳

夫僬僥之步而企及夸父之蹤近才所以躓礙也要

離之羸而強赴扛鼎之勢秦人所以斷筋也晉書葛洪傳

命木人事卷五十七 不量

既樹非梧桐而希鸞鳳降翼

晉書索襲傳

何足以抗沸海之濤當燒山之焰

宋書沈攸之傳

惟此魚目唐突璵璠

梁書任昉傳

蓋基薄牆高塗遙力躓傾厯必然顛匍可俟

梁書王僧儒傳

浩以蓬蒿之才荷棟梁之重

魏書高允傳

繭犢引大車弱質任厚棟所謂愛之所以害之矣

魏書

外戚傳

而欲以狗犢齒虎口也

魏書崔浩傳

以彼曲師危卒望我軍鋒何異蝘蝻被甲螂蛆舉尾

魏書島夷蕭衍傳

何異於蹄涔之魚冀拯江海

魏書慕容白曜傳

豈寬禽之能塞海非愚叟之可移山

周書庾信傳

怖甚真龍之降慚過白豕之歸

隋書王貞文學傳

夸父不量力欲追日影逐之於隅谷之際渴欲得飲

赴飲河渭河渭不足將走北飲大澤未至道渴而死

列子湯問

以君之力曾不能損魁父之丘如太行王屋何

列子湯問

汝不知夫螳螂乎怒其臂以當車轍不知其不勝任

也是其才之美者也

莊子人間世

二三子有復於子墨子學射者子墨子曰不可夫知

者必量其力所能至而從事焉國士戰且扶人猶不

可及也今子非國士也豈能成學又成射哉墨子公孟

能小而事大辟之是猶力之少而任重也舍粹折無

適也身不肖而誣賢是猶偃身而好升高也指其頂

者愈衆荀子儒效

譬之是猶以塼塗而塞江海也以僬僥而戴太山也

蹶跌碎折不待頃矣荀子正論

以詐遇齊辟之猶以錐刀墮太山也非天下之愚人

莫敢試荀子議兵

乳狗之噬虎也伏雞之搏狸也恩之所加不量其力

淮南子說林訓

吾以是默口於小道塞耳於諸子久矣而子立尺表

以度人植寸指以測淵孔叢子答問

今齊世庸士之人不好學問專以已之愚而負荷巨

任若無楫舳濟江海而遭大風漂沒於百仞之淵東

流無崖之川安得沮而止乎鹽鐵論殊路

鄰不我顧面望玉女身多癩疾誰肯頰者焦氏易林師之小過

家在海隅橈短流深焦氏易林觀之明夷

卵與石鬪糜碎無處焦氏易林復之豫

欲飛無翼鼎重折足焦氏易林坎之頤

上九童糜觸犀灰其首測曰童糜觸犀還自纍也太玄

經第一童

次五大爵集于宮庸小人庫音婢空測曰宮庸之爵

不可空得也太玄經第二僎

次八觸石決木維折角測曰觸石決木非所治也太玄

經第六難

次四卵破石徒玩切測曰卵破之小人難也太玄經第六難

六難

子幹欲以坏土而塞濁涇以握石而補崩山其不戮

也幸矣天祿閣外史去蜀

夫以筋撞鐘以算擊鼓不能鳴者所用撞擊之者小

也王充論衡感虛篇

如泰山失火沃以一杯之水河決千里塞以一掬之

土能勝之乎非失五行之道小大多少不能相當也

王充論衡謂時篇

何異操圭爵以量滄海執毫釐而迴日月其可得乎

王子年拾遺記燕昭王

知其嘍嘍無所先入欲以弊藥必規昇騰者何異策

蹇驢而追迅風棹籃舟而濟大川乎抱朴子內篇金丹

猶斥鷃之揮短翅以凌陽侯之波猶蠅力駑質以涉

响猿之峻非其所堪祇足速困 抱朴子内篇明本

昔西施心痛而臥於道側姿顏妖麗蘭麝芬馥見者

咸美其容而念其疾莫不躊躇焉於是隣女慕之因

偽疾伏於路間形狀既醜加之酷臭行人皆憎其貌

而惡其氣莫不睨面掩鼻疾趨而過焉今世人無戴

阮之自然而効其倨慢亦是醜女闇於自量之類也

抱朴子外篇刺驕

猶褰裳以越滄海企佇而躍九玄 抱朴子外篇廣譬

猛獸不奮搏於度外鷹鷂不揮翮以妄擊若廟算既

內不揆德進取又外不量力猶輕羽之投洪鑪飛雪

之委沸鑊朝菌之試干將羔犢之犯馱虎也 抱朴子外篇廣譬

譬

麋童犀角而相舐觸剛柔不等有勝有否也 太玄經第一童

解

以短小之物欲測深大之域 莊子音義庚桑楚

非醇粹之方壯謀踳駁於王義孰愈尋靡併於中達

造沐猴於棘刺 文選魏都賦

排終身之積慘求數刻之暫歡譬由疾疢彌年而欲

一丸銷之其可得乎 文選劉琨答盧湛詩序

夫錙銖之衡縣千金之重徑尺之鏡照尋丈之形用

過其力傷其本性故在權則衡危於鏡則照暗也

文選

陸士衡演
連珠註

覆蕢之量而塞北川之洪

廣文選曹
輔佐對儒

太子若以燕當秦猶以羊捕狼

意林燕
丹子

欲顯白於雪中馳光於日下不可得也

意林
秦子

彼洪川之方割豈一簣之所堙

藝文類聚
禮部弔文

師金曰西施病心而曠其里之醜人見而美之歸亦

捧心而曠其里之富人見之堅閉門而不出貧人見

之挈妻子而去之

事文類聚
美女子孟子

艾子使於燕燕王曰吾小國也日為強秦所侵徵求

無已吾國貧無以供之欲草兵一戰又力弱不足以

拒敵如之何則可先生其為謀之艾子曰亦有分也

王曰其有說乎艾子曰昔有龍王逢一蛙於海濱相

問訊後蛙問龍王曰王之居處如何王曰珠宮貝闕

翬飛璇題龍復問汝之居何若蛙曰綠苔碧草清泉

白石復問曰王之喜怒如何龍曰吾喜則時降膏澤

使五穀豐稔怒則先之以暴風繼之以飛電使千里

之內寸草不留龍問蛙曰汝之喜怒何如曰吾之喜

則清風明月一部鼓吹怒則先之以努眼次之以腹

脹然至於脹過而休於是燕王有慙色

事文類
聚蛙

所以舉尾支山怒臂當轅一作轍○文苑英華盧思道檄一

舉螳螂之斧被蝓蟻之甲當窮轍以待輪坐積薪而

候燎文苑英華杜弼檄一

穴蟻衝泉未知遠慮玄禽巢幕何能支久是以大厦

既焚不可灑之以淚長河一決不可障之以手文苑英華

庾信連珠

盖聞北邙之高魏君不能削穀洛之鬪周王不能改

是以愚公何德遂荷鍾而移山精衛何禽欲銜石一作

枝而塞海文苑英華庾信連珠

敢以不肖之軀而慕龍鳳之年欲以朝花之質希晦

朔之期漢武帝內傳

有似無翅之鷲願鼓翼天池朝生之蟲而樂春秋者

哉漢武帝內傳

譬如螢火並於日月亦如掬水比於大海王清經慈悲方便品

譬如男子得無價摩尼珠持水精比之欲令合同道

波羅蜜經卷四

諸小蟲獸欲驚師子大寶積經卷十一

猶如野干入師子羣大寶積經卷三十二

以孫陀羅比此天女還如香醉山內以瞎獼猴比孫

陀羅百千萬倍不及其一大寶積經卷五十六

不事不量

譬如有人不著甲冑不持刀仗輒入陣中必遭傷害

大集地藏十輪經卷六

譬如有人持一束草言欲堰塞恒河大流

四

如有人至大海際或取一板或持小筏或欲身涉或

欲身浮廣施方便發如是言我度大海登陟彼岸

菩薩三昧經卷四

譬如有人無有脚足而欲趣彼鬱單越土如無目者

而欲讀書如無手者而欲執作

喻如有人以一把麩投恒河中謂能以此斷彼駛流

念佛三昧經卷三

譬如須彌山王殊妙高顯有小黑山而居其側云何

可言相與等比

譬如有人入於大海而欲盡見其水邊際又如有人

臨於大海以手勺水欲盡枯涸終不能就徒自疲勞

正法經卷二

豈當以螢火之光與日競明田家灰堆欲比須彌鷄

鷲鳥鵲金鳥並飛

豈可以耦耕中絲懸須彌山耶可以兔身度大海耶

可以蚊虻盡海底耶

本緣經毗羅摩品

不可以芥子同彼須彌螢火之光等於日月一滴之

水同於大海阿育王傳四

昔有一貧人有少財物見大富者意欲共等不能等

故雖有少財欲棄水中傍人語言此物雖尠可得延

君性命數日何故捨棄擲著水中百喻經卷下

如人眼視不明指示好醜大智度論卷六十五

所謂管闕穹極寧辨西東蠡度滄溟安知髮髯弘明集十

所謂輕陳一旅敵堂堂之鋒輒馳駑駘與騏驥而並

行弘明集十

無異策駑足以均驂騮繫澤雉以雙鸞鶴弘明集十一

吾之所裛猶以塵埃附嵩泰收朝露投江海予之所

謗猶握瓢觚欲滅江海躡耕耒欲損崑崙側一掌以

翳日光舉土塊以塞河衝弘明集卷中

譬猶持瓢欲滅江海側掌以蔽日月不能損江海之

泉掩日月之明也弘明集駁夷夏論

足下猶欲抗遺燎於日月之下弘明集張融門論

以螢燭之見疑三光之盛芸隙之滴怪淵海之量弘明

集後論

舉熠淫入耀於日月之間非智也擁甌甌於鴻鐘之

側非慮也辯正論卷二

介木人事卷二不量

矜白鳥之翼望駭蒿華負燭火之光爭輝日月辯正論卷

豈陽文與醜茂比麗孟姬與儻廉競妍辯正論卷六

猶螢光與龍燭競輝魚目與蛇珠並耀辯正論卷六

騰鷄共鵬翼偶高馳駑與驥足爭遠辯正論卷六

無以欄堯之辯譏滄海之廣狹榆枋之智測崑閬之

高卑乎辯正論卷六

豈以坳塘小水匹馮夷大波者哉辯正論卷七

竟以淺深較其優劣亦猶蟻蛭之小比蛟於蒿華牛

泔之微爭長於江漢法苑珠林卷二十八

猶如鶴尾俟於鑪炭猶如蚊子與金翅鳥拊飛遲疾

猶如小兔共師子王拊其威力如此之比不自度量

法苑珠林卷二十八

欲以手爪抱須彌山欲以口齒齧金剛法苑珠林卷五十五

強為

上九翰音登于天貞凶易中孚

二三子復於子墨子曰告子勝為仁子墨子曰未必

然也告子為仁譬猶跂以為長偃以為廣不可久也

墨子公孟

不是師法而好自用譬之是猶以盲辨色以聾辨聲

也舍亂妄無為也荀子脩身篇

使但吹竽使氏厭竅雖中節而不可聽無其君形者

也淮南子說林訓

時不至不可強生也事不究不可強成也說苑談叢

延頸遠望昧為目病焦氏易林升之謙

使遽者揖讓百拜非禮也憂者絃歌鼓瑟非樂也申鑒

雜言上

雖有喬喬之莠其穀不可得雖懷切切之怨遠人不

可見言仲尼之道深遠不可彊學揚子法言註吾子篇

不念已之短翮不隨燕雀為侶而欲以黃鵠比遊黃

鵠一舉冲天翱翔四海短翮追而不逮將安歸乎李善

註文選阮嗣宗詠懷詩

今吾子聞仁義之羈絆係聲名之韁鑱伏孔氏之軌

躡馳顏閔之極藝何以大道為自眩也昔有學步邯

鄲者匍匐而歸耳藝文類聚人部隱逸上

顏淵所以命短慕孔子所以傷其年也若庸馬良馬

相追至暮共列良馬宿所鳴食如故庸馬垂頭不復

食何異顏淵與孔丘優劣太平御覽獸部馬五

凡人才所不至而極思之則志傷也力所不勝而極

舉之則形傷也攝生養性論

如菴羅果樹上熟者其味甘美人所貪嗜若生鬱者

其味則苦人所薄賤

大方等大集經十八

有一師子獸王在深林中住師子清旦初出窟時四
向顧望奮迅三吼然後遊行擇肉而食彼師子獸王
食已還林常有一野干隨後食殘氣力充足便自言
彼林中師子竟是何獸能勝我耶我今寧可獨擅一
林清旦出窟四向顧望奮迅三吼然後遊行擇肉食
耶彼尋獨處一林清旦出窟奮迅三吼然後遊行欲
學師子吼而作野干鳴長阿含經卷十一
譬如朽故車輪以雜繩索而用繫縛強使運轉喜豎

經下

譬如有人富貴自在忽於一時以水沐髮復以鮮潔
上妙衣服而為嚴飾乃出其舍時有貧人見已欣樂
即自還家亦沐其髮復以故衣洗濯令淨是人雖復
多汲其水濯彼故衣徒使疲勞終不能令服飾新好
一切生中若久生者同彼貧人濯其故服終不能淨
若初生者如彼富人衣新好衣未生塵垢正法經卷三
昔有一人其婦端正唯其鼻醜其人出外見他婦女
面貌端正其鼻甚好即截他婦鼻持來歸家急喚即
割其鼻尋以他鼻著婦面上既不相著復失其鼻唐

使其婦受大苦痛

百喻經卷上

昔有梵志兄弟四人皆得五通自知命促七日必死
 兄弟議曰我等兄弟神通自在能以神力翻覆天地
 現極大手捫摸日月移山住流無所不辦寧當不能
 避此難也第一兄曰吾入大海上下平等正處中間
 無常煞鬼安知我處第二弟言吾入須彌山腹中間
 還合其表使無際現無常煞鬼焉知我處第三弟言
 吾處虛空隱形無跡無常煞鬼安知我處第四弟言
 吾當隱在大市之中眾人猥鬧各不相識無常煞鬼
 趣得一人何必取吾四人議訖相將辭王而白王曰

吾等計算餘命日促各欲逃走欲求多福王尋告曰

善進其德於是別去各適所至七日期滿各從其處

而皆命終

法苑珠林卷四十九

而督命錄卷四十一

善哉其勤然其限去各廣視至十日其滿各發其誠
吾等信真銷命日與各始悉去始來參王奉吉曰

翰林卷五十八

宣城華陽徐元太汝賢父編輯

猶子徐胥慶無猜父校

徐衍慶伯蕃父閱

人事門五十六

無用

眇能視不足以有明也跛能履不足以與行也易履

折其右肱終不可用也易豐

跂然三隅之形者彼織女也終一日歷七辰至夜而
迴反徒見其如是何曾有織乎言王之官司徒見列

命木人事卷五十八無用
劉植書

於朝耳何曾有用乎

毛詩正義大東

體無纖微疾安用問良醫

魏志劉邵傳註

身無錙銖之行能無鷹犬之用

吳志賀邵傳

蓋老牛不犧禮有常制

晉書虞預傳

豈可欲以殞海之鬻望鼓鼙於豎鱗之肆墜風之羽

凱振翮於軒毳之間其不能俱陪淥水竝負青天可

無待於明見

宋書周朗傳

魏武帝陵下銅鉞石犬各二古詩云石犬不可吠銅

鉞徒爾為

述異記上

洛中童謠曰雖有千黃金無如我斗粟斗粟自可飽

千金何所直

述異記下

漢世古諺曰雖有神藥不如少年雖有珠玉不如金

錢

述異記下

骨肉不任充鼎俎皮毛不足入貨財

陳書徐陵傳

惠子謂莊子曰吾有大樹人謂之樗其大本擁腫而

不中繩墨其小枝卷曲而不中規矩立之塗匠者不

顧今子之言大而無用衆所同去也

莊子逍遙遊

朱泚漫學屠龍於支離益單千金之家三年技成而

無所用其巧

莊子劍禦寇

輕重不合於斤兩長短不充於度數便為廢物何所

施哉

鬼谷子
捭闔註

夫馬似鹿者而題之千金然而有百金之馬而無一

金之鹿者馬為人用而鹿不為人用也

韓非子外
儲說左

郢人有買屋棟者求大三圍之木而人予車轂跪而

度之巨雖可而長不足

淮南子
說山訓

舟能沉能浮愚者不加足騏驥驅之不進引之不止

人君不以取道里

淮南子
說林訓

毋貽盲者鏡毋予筮者履毋賞越人章甫非其用也

淮南子
說林訓

吾貧而子問以富術縱有其術是不可用之術也昔

人有言能得長生者道士聞而欲學之比往言者死

矣道士高蹈而恨夫所欲學學不死也其人已死而

猶恨之是不知所以為學也今子欲求殖貨而問術

於我我且自貧安能教子以富乎子之此問有似道

士之學不死者也

孔叢子
陳士義

若疫歲之巫徒能鼓口耳

鹽鐵論
救匱

魯人身善織屨妻善織縞而徙於越或謂之曰子必

窮魯人曰何也曰屨為屨縞為冠也而越人徒跣翦

髮遊不用之國欲無窮可得乎

說苑
反質

敗軍之將不可言勇亾國之臣不可言智

說苑
談叢

一臂六手不使堵口莫肯為用利棄我走焦氏易林 同人之乾

缺囊破筐空無黍梁焦氏易林 願之睽

日蹇六盲足痛難行終日至暮不離其鄰焦氏易林 大過之艮

老馬垂耳不見百里焦氏易林 遯之賁

脛足跛倚不可以行頓於丘傍焦氏易林 睽之復

蹇牛折角不能載粟焦氏易林 艮之屯

脛急股攣不可出門焦氏易林 艮之同人

天女踞床不成文章南箕无舌飯多砂糠焦氏易林 小過之比

朽條腐索不堪施用焦氏易林 節之賁

次八弓善反弓惡反善馬恨惡具薄耕 破車

終不偃測曰弓反馬恨終不可以也太玄經 第六止

作無益之能納無補之說以夏進爐以冬奏扇王充 論衡

逢遇 篇

折其右肱雖左肱在豈足用乎周易 畧例

西南巨牛出自江岷體若垂雲肉盈千鈞雖有逸力

難以揮輪山海經中 山經圖讚

道家之言高則高矣用之則弊遼落迂濶譬猶干將

不可以縫線巨象不中使捕鼠金舟不能凌陽侯之

波玉馬不任騁千里之迹也抱朴子外 篇用形

故不欲復舉熠燿以廁日月之間拊甌瓿於洪鍾之

側貢輕扇於堅冰之節銜裘鑪乎隆暑之月必見捐

於無用速非時之巨嗤抱朴子外篇嘉遜

麋有身而不能噬鹿有角而不能觸古今注

明鏡所以照形而盲者以之蓋卮玉筭所以飾晉而

秃嫗以之挂杙非鏡筭之不美無用於彼也劉子隨時

獨攄意乎宇宙之外銳思於毫芒之內然而氣不賈

於當已用不效於一世文選班固荅賓戲

齊有居士田仲者宋人屈轂往見之謂曰轂有瓠堅

如石厚而無竅而效之先生田仲曰堅如石不可剖

而斲厚而無竅不可以受水漿吾無用此瓠以為也

屈轂曰然其棄物乎曰然今先生雖不恃人之食亦

無益人之國矣猶可棄之瓠也文選張景陽命註

顧此腹背羽愧彼排虛翮文選盧諶答魏子悌詩

孫綽齋前種一株松高世遠語孫曰松樹子非不楚

楚可憐但永無棟梁用耳孫曰楓樹雖合抱亦何所

施世說新語

材曲兮枉撓朽木兮難抽藝文類聚刑法部刑賦

何用勝彫斲譬木良如朽藝文類聚禮部燕會詩

玄黃之馬事絕於銜鑣蟠朽之林飾乖於丹漆何則

千里之志已窮萬乘之器無取藝文類聚職官部司徒表

文籍雖滿腹不如一囊錢事文類聚錢

懼駑蹇無奔走之實朽薄非折衝之才文苑英華史祥太子書

今先生收天下之術博觀四方之日久矣未能裨世

上之治明君臣之義是則未有異於府庫之藏金玉

筐篋之囊簡書也太平御覽珍寶部金下

共刀雖備於執事而無所揚其鋒太平御覽兵部戈

尸子曰野鴨為鳧家鴨為鶩不能飛翔如庶人守耕

稼而已埤雅品物門鶩

譬如折軸无所復用海空智藏經持誠品

譬如漿滓无所復用元陽妙經卷十

譬然濕草煙氣上騰漸以消散至于滅盡大寶積經二十

人之無聞老若特牛但長肌肥無有智慧法句經老耄品

如車軸折輻輳破壞不任運載本緣經毗羅摩品

又如養馬不乘則无所任大智度論卷下

譬如最弊惡馬名為敗壞但有馬名無有馬用十住毘婆

沙論卷四

似若葶藶艾蒿枝葉皆苦訶梨果樹遍體無甘法苑珠林

卷八十二

干進

初九壯于前趾往不勝為咎易夬

俞木人事卷五十八干進

在下而壯故曰壯于趾也居下而用剛壯以斯而進

窮凶可苦也王弼註 易大壯

飛鳥遺其音聲哀以求處上愈无所適下則得安愈

上則愈窮莫若飛鳥也王弼註 易小過

角者西南隅也上九處晉之極過明之中其猶日過

於中已在於角而猶進之故曰進其角也周易正義

丈夫生而願為之有室女子生而願為之有家父母

之心人皆有之不待父母之命媒妁之言鑽穴隙相

窺踰牆相從則父母國人皆賤之古之人未嘗不欲

仕也又惡不由其道不由其道而往者與鑽穴隙之

類也孟子滕文公下

蘇代謂燕昭王曰孝如曾參孝已則不過養其親耳

信如尾生高則不過不欺人耳廉如鮑焦史鱗則不

過不竊人之財耳今臣為進取者也臣以為廉不與

身俱達義不與生俱立仁義者自完之道也非進取

之術也戰國策 燕昭王

毛遂曰臣乃今日請處囊中耳使遂蚤得處囊中乃

脫穎而出非特其未見而已史記平原君傳

商鞅挾三術以鑽孝公李斯奮時務而要始皇彼皆

躡風雲之會履顛沛之執據檄乘邪以來一日之富

貴朝為榮華夕而焦瘁福不盈眦既溢於世前漢書敘傳上

夫君子非不欲仕也耻夸毗以求舉非不欲室也惡

登牆而樓處叫呼銜鬻縣旌自表非隋和之寶也暴

智耀世因以干祿非仲尼之道也後漢書崔駰列傳

參輪可使自轉木雕猶能獨飛已垂翅而還故棲盍

亦調其機而銛諸後漢書張衡列傳

務進者趨前而不顧後榮貴者矜已而不待人後漢書朱暉孫穆傳

上亂聖朝貫魚之序下違羣士準平之倫晉書蔡謨傳

忘狐鼠之顧步愧燕雀之徊翔梁書徐勉傳

次二上無根思登于天谷在于淵測曰上無根不能

自活也太玄經第一上

次四卽上不貞無根繁榮乎虛名測曰卽上不貞妄

升也太玄經第一上

次五銳其東忘其西見其背不見其心太玄經第二銳

次三高其步之堂有露測曰高步有露妄升也太玄經第五去

以子之才上不臣于天子下不交于諸侯而猶偃仰

當世是洗巢由之耳而負伊尹之鼎也天祿閣外史待樵

于時懸爵而賣之猶剝肆也爭津者買之猶市人也

有直者無分而徑進空拳者望途而收迹抱朴子外篇審舉

夫佞者鼓珍賂為勁羽則無高而不到矣乘朋黨為

舟楫則無遠而不濟矣抱朴子外篇名實

若乃狗萬金之貨以索百十之售抱朴子外篇任命

汲汲於進趨悒悶於否滯者豈能舍至易速達之通

塗而守甚難必窮之塞路乎抱朴子外篇勗學

奚不汎輕舟以託迅御飛帆以遠之交瑰貨於朔南

收金碧於九疑抱朴子外篇安貧

固時俗之工巧方偃規矩而改錯背繩墨以追曲兮

競周容以為度文選屈原離騷經

夫自衒自媒者士女之醜行也干時求進者道家之

明忌也文選曹植求自試表

萎葉慶榮條涸流好河廣文選謝瞻答靈運詩

則有窮巷之賓繩樞之士冀宵燭之末光邀潤屋之

微澤魚貫鳧躍飈沓鱗萃分鴈鶩之稻梁霑玉笋之

餘瀝文選劉峻廣絕交論

無足而至者物之藉也隨踵而立者人之薄也文選顏延

之陶徵士誄

隋珠彈雀堂溪刈葵鴛雛啄鼠何異乎鳩廣文選張子並誦青

衣賦

今足下琬琰之朴未剖而求光時之價騏驥之足未
攄而希絕景之功心銳而動淺望速而應遲

藝文類聚人部

別下

里語云仕官不止車生耳

太平御覽人部事部諺下

改節

初九舍爾靈龜觀我朵頤凶

易頤

是為馮婦也晉人有馮婦者善搏虎卒為善士則之

野有眾逐虎虎負嵎莫之敢撓望見馮婦趨而迎之

馮婦攘臂下車眾皆悅之其為士者笑之

孟子盡心下

子獨不見家人寡婦邪始自約敕之時意迺慕宋伯

姬及陳孝婦不幸壹為盜賊所汙遂行淫失知其非

禮然不能自還吾猶此矣

前漢書游俠傳

陵霜不彫者松柏也臨難不移者君子也何圖松柏

彫於微霜而雞鳴已於風雨

晉書呂先傳

唾血斷金披心相付謂卿食椹懷音保之偕老豈意

畜水覆舟養獸反害悔之噬臍將何所及

晉書慕容容垂傳

豹姿未變鳳德已衰

晉書愍懷太子傳

以潔白為汚辱譬猶沐浴而杼溷薰燧而負羸

淮南子說

山訓

次三唐素不貞亾彼瓏玲

太玄經第四唐

喻木人事

卷五十一

改節

十

蘭芷變而不芳兮荃蕙化而為茅何昔日之芳草兮

今直為此蕭艾也文選屈原 離騷經

言往昔芬芳之草今皆直為蕭艾而已以言往日明

智之士今皆佯愚狂惑不顧也王逸註楚 離騷經

言蘭芷之草變易其體而不復香荃蕙化而為菅茅

失其本性也以言君子更為小人忠信更為佞偽也

王逸註楚 離騷經

以此獨立不達亦何苦何恨乎而便當伐本瓦合舖

糟握泥割足適履毀方入圓不亦劇乎抱朴子外 篇刺驕

遲重者蓬轉而波擾整肅者鹿踊而魚躍抱朴子外 篇酒誠

言甘以移植而易名恐人徙居而變節李善註文選 潘安仁贈陸

機詩

何意百鍊剛化為繞指柔文選劉琨重 贈盧諶詩

始素終玄墨翟垂涕文選顏延年 謝靈運詩註

在南稱柑度北則橙文選潘岳為 賈謐作詩

雖今之作者人自為量而皆路同塵輟塗殊軌者多

矣豈所以昭末景泛餘波文選顏延之 陶徵士誄

固時俗之流從兮又孰能無變化覽椒蘭其若茲兮

又况揭車與江離楚辭 離騷經

余以蘭為可恃兮羌無實而容長委厥美以從俗兮

唯木
苟得列乎衆芳

楚辭離騷經

譬如有人未離欲染遇見女寶在空林中形貌端嚴甚可愛樂雖具觀見種種身支而能制心不行放逸後於餘處遇見女人形貌醜鄙穢下賤返生貪愛遂行放逸

波羅蜜多經五百九十一

譬如梵志子淨潔自喜詣於舍後卒汚其指行詣金師指汚不淨以火燒之金師諫曰勿發是心有餘方便除此土拭之以水洗之設吾火燒卿不能忍火之毒痛自角其身更甚于前梵志子聞卽懷瞋恚便罵金師莫以已心量度他人自不能忍謂人不

堪金師聞知燒鉗正赤以鑷彼指年少得熱痛不能忍掣指著口金師大笑謂年少言何持不淨指含著口中年少報曰不遭痛時見指不淨適遇火毒卽忘指穢

修行道地經學地品

竊位

以瑞玉爲佩佩之鞞鞞然居其官職非其才之所長也徒美其佩而無其德

鄭氏箋詩大東

四牡者人君所乘駕今但養大其領不肯爲用喻大臣自恣王不能使也

鄭氏箋詩節南山

王政旣偏其所用之人皆鞞鞞然佩其璲玉居其官

職不以其才之所長徒美其佩而無其德也毛詩正義大東

維天之有漢仰監視之亦有精氣之光是徒有光而

無明今佩璲之人亦徒有名而無實也毛詩正義大東

此夫為盜不操矛弧者也攻而不用弦刀者也欺父

母未有罪而弑君未伐者也何以為高賢才乎史記日者

傳

與懸黎而並肆將駿驥而同阜終朝擊缶匪黃鍾之

所諧日暮却行何前人之能及隋書主貞文學傳

若乃心利錐刀居台鼎之任智昏菽麥當機衡之重

北史恩幸傳

狝猴冠帶盜載非位眾犬共吠倉狂蹶足焦氏易林剝之隨

次七格其珍類龜網厲測日格其珍類無以自匡也

太一玄經第二格

次三龍襲非其穴光亾于室太玄經第六闕

毛芥在鐵石間也一口之氣能吹毛芥非必焱風俗

吏之易遷猶毛芥之易吹也王充論衡狀雷篇

竊人之物其得非不速疾也然而非其有得之非已

之力也世人早得高官非不有光榮也而尸祿素食

之謗誼譁甚矣王充論衡狀雷篇

官達者才未必當其位譽美者實未必副其名故鋸

齒不能咀嚼箕舌不能別味壺耳不能理音屨鼻不能識氣釜目不能攄望舒之景牀足不能有尋常之

逝抱朴子外篇博喻

衝颯焚輪原火所以增熾也螢燭值之而反滅甘雨

膏澤嘉生所以繁榮也而枯木得之以速朽朱輪華

轂俊民之大寶也而負乘竊之而召禍鼎食萬鍾宣

力之弘報也而近才受之以覆餗抱朴子外篇博喻

拔茅之義圯而負乘之羣興亢龍高墜泣血漣如抱朴

子外篇名實

鶉鷄棲翔鳳之條龜鼉遊升龍之川識真者所為憤

結也李善註文選陸士衡吳王即中詩

皇聖昭天德豐澤振沈泥惜無雀雉化何用克海涯

文選顏延之和謝靈運詩

鴉集瓊林鯨躍神淵廣文選郭景純晉元帝哀策文

譽失

語曰當君而歎堯舜之美譬猶人子對厥親而生譽

他人之父晉書禮志下

殺一人謂之不義必有一死罪矣若以此說往殺十

人十重不義必有十死罪矣殺百人百重不義必有

百死罪矣當此天下之君子皆知而非之謂之不義

今至大爲不義攻國則弗非從而譽之謂之義墨子非攻

上

今有一人入人園圃竊其桃李衆聞則非之上爲政者得則罰之此何也以虧人自利也至攘人犬豕鷄豚者其不義又甚入人園圃竊桃李是何故也以虧人愈多其不仁茲甚罪益厚至入人欄廐取人馬牛者其不仁義又甚攘人犬豕鷄豚此何故也以其虧人愈多苟虧人愈多其不仁茲甚罪益厚至殺不辜人也抽其衣裘取戈劍者其不義又甚入人欄廐取人馬牛此何故也以其虧人愈多苟虧人愈多其不

仁茲甚矣罪益厚當此天下之君皆知而非之謂之不義今至大爲攻國則弗知非從而譽之謂之義此何謂知義與不義之別乎墨子非攻上

巫馬子謂子墨子曰舍今之人而譽先王是譽槁骨也譬若匠人然智槁木也而不智生木墨子耕柱

有譽人之力儉者春至旦不中員呈猶適之察之乃其母也故小人之譽人反爲損淮南子說山訓

九州多山而華岱爲獄四方多川而江河爲瀆者華岱高而江河大也長生人名周州郡高大者同姓之伯

賢舍而譽他族之孟未爲得也王充論衡趙奇篇

俞木人事卷五十八 譽失 十五

俗好高古而稱所聞前人之業菜果甘甜後人新造

蜜酪辛苦王充論衡 趙奇篇

舍其家而觀他人之室忽其父而稱異人之翁未為

德也王充論衡 佚文篇

褒功失丘山之積頌德遺膏腴之美王充論衡 佚文篇

是得牛之服重不譽馬速也譽手毀足孰謂之慧矣

王克論衡 別通篇

雖相引以名穀是相結以病患莊子音 義外物

魯有醜者其父出見美者商咄又而告其隣曰商咄

不如吾子也是至美不如至惡慶子不知其醜也林意

呂氏春秋

稱譽其德高者凌青雲廣者踰地圻得無踰其本過

其實乎弘明集牟子理惑論

材害

肥豕必烹甘泉必竭直木必伐汲冢周書 周祝解

木摧於秀蘭燒以薰晉書宣五 王列傳

象由齒斃膏用明煎北齊書文苑 祖鴻勳傳

凡國之亾也以其長者也人之自失也以其所長者

也故善游者死於梁池善射者死於中野管子 樞言

夫豐狐文豹棲於山林伏於巖穴靜也夜行晝居戒

也雖饑渴隱約猶且胥疏於江湖之上而求食焉定也然且不免於罔羅機辟之患是何罪之有哉其皮為之灾也今魯國獨非君之皮耶吾願君剝形去皮洒心去欲而遊於無人之野莊子山木東海有鳥焉名曰意怠其為鳥也紛紛猺猺而似無能引援而飛迫脅而棲進不敢為前退不敢為後食不敢先嘗必取其緒是故其行列不斥而外人卒不得害是以免於患直木先伐甘井先竭子其意者飾知以驚愚脩身以明汚昭昭乎如揭日月而行故不免也莊子山木

虎豹之文來田獲狙之便執爨之狗來藉莊子應帝土

執狸之狗成思獲狙之便自山林來莊子天地

山木自寇也膏火自煎也桂可食故伐之漆可用故

割之人皆知有用之用而莫知無用之用也莊子人間世

宋有荆氏者宜楸柏桑其拱把而上者求狙猴之杙

者斬之三圍四圍求高名之麗者斬之七圍八圍貴

人富商之家求禪傍者斬之故未終其天年而中道

之夭於斧斤此材之患也莊子人間世

今有五錐此其銛銛者必先挫有五刃此其錯錯者

必先靡是以甘井近竭招木近伐靈龜近灼神蛇近

曩是故比干之殪其抗也孟賁之殺其勇也西施之沈其美也吳起之裂其事也故彼人者寡不使其所長故曰太盛難守也

墨子親士

不仁而有氣力果敢則狂而操利劍不智而辯慧懷給則棄驥而不式雖有材能其施之不當處之不宜適足以輔偽飾非伎藝之衆不如其寡也故有野心

者不可借便勢有愚質者不可與利器

淮南子主術訓

虎豹之文來射鰥狄之捷來乍

淮南子說林訓

蘭芝以芳未嘗見霜鼓造辟兵壽盡五月之望

淮南子說

林訓

桓公九合諸侯一匡天下管仲之力管仲有力桓公能舉之可謂壯彊矣吳不能用子胥楚不能用屈原二子力重兩主不能舉也舉物不勝委地而去可也時或恚怒斧斲破敗此則子胥屈原所取害也

王充論衡

效力篇

小石附於山山力能得持之在沙丘之間小石輕微亦能自安至於大石沙土不履山不能持處危峭之際則必崩墜於坑谷之間矣大智之重遭小才之將無左右沙土之助雖在顯位將不能持則有大石崩

墜之難也

王充論衡效力篇

喻木人事

卷五十八

符害

十八

澧水之鮮形如浮肺體兼三才以貨賈害厥用既多

何以自衛山海經東山經圖讚

蚌則舍珠獸胡不可狃狃如豚被褐懷禍患難無由

招之自我山海經東山經圖讚

兕推壯獸似牛青黑力無不傾自焚以革皮充武備

角助文德山海經南山經圖讚

利豐者害後質美者召災是以南禽殲於藻羽兕豹

死於文皮鱣鯉積而玄淵涸麋鹿聚而繁林焚金玉

崇而寇盜至名位高而憂責集抱朴子外篇博喻

林繁則匠入矣珠美則蚌裂矣石含金者焚鑠草任

藥者剪掘刃利則先缺絃哀則速絕用以適已真人

之寶也才合世求有伎之災也抱朴子外篇廣譬

不在可用之數曰散木可用之木為文木物莫不若

是者物皆以用自傷也郭子註莊人間世

患害生於役知以奔競木伐并竭才之害也郭子註莊山木

山抱玉則鑿之江懷珠則竭之豹佩文則剝之人含

智則嫉之智能知人不能自知神能衛物不能自衛

故神龜以智見灼靈蛇以神見曝孰知不智為智不

神為神乎劉子言苑

執畱之狗謂有能故被畱係成愁思也莊子音義天地

喻木人專不卷五十八 廿害 十九

珍寶之美羅剎布見煥焉如崑崙之所生者李善註文選西

京賦

井上四交之幹常為汲者所契傷也李善註文選叔上書諫

蒼鷹鷲而受縲鸚鵡惠而入籠文選鸚鵡賦

鵬鵠介其背距鵠鷺軼於雲際鷓鴣竄於幽險孔翠

生平還裔彼晨鳧與歸鴈又矯翼而矰逝咸美羽而

豐肌故無罪而皆斃徒銜蘆以避繳終為戮於此世

文選鸚鵡賦

夫形瑰者徵咎體上者為犧雖明文而龍藻兮終免

管而受羈廣文選陸上龍逸民賦

薰以芳而致燒兮膏含肥而見熖翠羽微而殃身兮

蚌含珠而擘裂廣文選揚子雲太玄賦

金雖重而見鑄桂徒芳而被折廣文選江文通傷友賦

薰以芬香而自燒兔亦取斃於毫翰藝文類聚人部言志賦

狡兔得而獵犬死高鳥得而強弩藏藝文類聚軍器部弩

犀之為狀形兼牛豕力無不傾吻無不靡以賄嬰灾

因乎角椅藝文類聚獸部犀

矢翠飾羽而體分象美牙而自喪蚌懷珠而致剖蘭

含香而遭焚膏以明而遂煎桂以蠹而成疾太平御覽木部

桂

麝懷香以賈害狙伐巧而招射

埋雅品何門麝

墨子曰靈龜近灼神蛇近暴

埋雅品物門螭蛇

猶如蠶虫出絲纏遶即自滅身

大寶積經一百九

亦如蠶作繭吐絲還自纏

佛說身觀經當九

喻林卷五十八

終



